

پیروزہء دانگ منی

مومن معراج



بلوچی اکیڈمی کونٹہ

عدالت روڈ، کونٹہ

(c) All rights are reserved.

اے کتاب ۽ درائیں حق گوں بلوچی اکیڈمی ۽ انت۔
بیدے بلوچی اکیڈمی ۽ رضاء کس ایشی ۽ مواداں چاپ کت نہ کنت۔

پیروزہ ۽ دانگ منی
(شاعری)

مومن معراج

2018

ISBN # 978-969-680-034-7

نہاد: =/200

بلوچی اکیڈمی ۽ اے کتاب ماں ذکی پرنٹنگ پریس کراچی ۽ چاپ کتنگ۔

نامدات

واجه شے رگام ء

ء

منی ڈیہء

نامء

ل

تاکدیم	سرگال	شمار
9	مومن معراج ء شاعری --- بشیر بیدار----	1
10	پیروزہ ء دانگ منی --- مومن معراج----	2
12	زندہ نگینیں کاراں شرکن یا اللہ-----	3
14	گلزمین بے پادگیں ء آزمانے جوڑکتہ----	4
16	اللہ چہ درستاں مستریں-----	5
18	زمین ء باگ ء بہار موسمانی-----	6
20	مدی-----	7
22	شہر ء روشنائی نور اں پلست انت-----	8
24	شہید ایوب بلیدی ء نام ء-----	9
27	شرین زبان بلوچی،-----	10
32	توروچے رنگے ء گردانے-----	11
34	پیروزہ ء دانگ منی-----	12
37	من تئی و شبوہاں تو منی پُل-----	13
40	سوگند مہ ور کہ شارتی حاک ء مین بیت-----	14
42	عہد ء بالو-----	15

46	مہر؎ منزل بوت کجا بیگواہ منی	16
48	موسمی ساچ فرما پادینکاں	17
51	شے رگام ؎ نام ؎	18
53	جہان ؎ بے تمبیں دودانی جی	19
55	گلی داباں گوں بہ مل ہر روج نہ بیت عمید	20
57	مرچاں تو دور دور روئے گوادر ؎ نیائے	21
60	نشہ	22
63	حیال ؎ مرنگیں امیت ؎ دامن ؎	23
65	آتام مان انت لفظانی تئی مینگ ؎ تھا	24
67	مروچی کسہے منا گیر کیت انت	25
72	وفاء درد جتائی ؎ بڑن ؎ سوز مانے	26
75	مہر ؎ نا زُر کیں پُلاناں سوچ ؎ بُن ؎	27
76	بلوچ	28
78	ماہکان سینگار کتہ زری حانی ؎	29
80	ورناہی ؎ پل ؎ بہارزی است اتاں	30
82	کشکاں زہیرانی سینگارگ ؎ انت	31
84	ماہکان زمزمل بستہ مہپر ؎ ٹال ؎ سرا	32
86	دل ؎ حال ؎ درائیں بازار سئی انت	33
88	یکپارگی	34

89	کیف ء چاڑیں ساز ء زمیل کوہ سرے	35
91	ندر پہ خاران ء نام ء	36
94	واہ ء فریات گوں مزن شانیں	37
96	بہ نند دیم ء منیگ ء بلا ہاں	38
98	امل بچار کہ دنیا ء کار چوں شراں	39
100	کوریں دید وکاناں امبروز ء	40
102	وہد ء ترانگ ء دست ء دل ء انت پیدا ک	41
104	دنیا ء بوتگاں دنیا منی بہ بیت	42
105	واہگ ء کور ء دپ بہ بستیں تو	43
107	امیت ء شپ	44
109	مُجان انت سیاہ تہاریں شپ	45
111	بیوسے کُشتہ	46
113	دگہ شہرے روانے چم ء واہاں برانے	47
115	توار گیتکہ	48
117	مہر ء خمار بوتنگ عرشی فریشتگاں	49
119	دیم گیریں	50
121	داں است انت جہان	51
123	ندر پہ فرازجان ء نام ء	52
125	گر کی تل	53

127	بیاباچ بگرموجیں دل ۽ بکشتائیں	54
129	منگوں وت برگوں	55
131	ماہکان	56
133	چار دہی ماہ ۽ کہ پوش ات	57
135	آٹھیلےیں پری زادہ یے	58
137	کلمت ۽ بازار فرہنگ	59
139	کتا بے پچ کنناں	60
141	دل ۽ راستگیں یا تانی عکس امبازاں	61
143	زندگی باریں کجام	62
145	انان	63
147	ارساں دیدگ ۽ ریتچے دلاں بہار کنے	64
149	بچکند دلبر ۽ لنطان انت	65
152	عطا شاد ۽ نام ۽	66
158	سمین ۽ بچکند گوں شیکو بان انت	67
160	مرچاں بے گوانک ۽ بے توار	68
162	حیال ۽ یا تانی نیام جین ۽	69
164	گنوکان	70
167	اے مطلب ۽ دنیا انت	71
169	پیریں مرد کو شہر ۽	72

173	آجنگ ادء نہ انت	73
175	سنگاں پھریز کن نہ کرزاں	74
177	دل تراگانی شہرء دگہ	75
179	تئی باتن ء زہیر منی چماں	76
181	ہلک ء شتہ	77
183	جندء دیار ء رستگ ء ہیگو اہ	78
185	زندگ انت	79
187	تو دل ء بندات ء واہگ،	80



مومن معراج ۽ شاعری

من بلوچي شاعري ۽ بانداٽ ۽ تامورنہ گنداں۔ ايشي ۽ مستريں سوٽ چہ سيد ہاشمي، عطا شاد، مراد ساحر، اکبر بارکزي، صديق آرات ۽ ملک طوقی ۽ چہ رند ہما روانی ۽ برجائی انت کہ منا نوکيں دور ۽ ورنہاين شاعرانی شاعري ۽ تہا گندگ ۽ کيت۔ البت من پہ دجھی ايشي ۽ گشت کناں کہ مئے نوکيں شاعري گيشتر براہ دار ۽ از می حساب ۽ جلوہ ناک ترانت۔

نوکيں بلوچي شاعري ۽ تہا لہتیں نام کہ منا دوست بنت ۽ من آہاں بلوچي ۽ بانداٽ لتیکاں مثال مے جبر ۽ مبارک قاضي، منیر مومن، زبیر مختار، ممتاز يوسف، ڈاکٽر علی دوست، منظور بسمل، ارشاد پرواز، مومن معراج انت۔

مومن معراج ۽ شعرانی تہا من وتی زبان ۽ اصلیں رنگ ۽ دروشماں گنداں شاعري شاعري انت، بلے ہر زبان ۽ جوانیں ادب ۽ تہا ہماراج ۽ سرزمین، چاگرد، دود ۽ ربیدگ راج ۽ دپتر ۽ گوں ادیب ۽ ہمگر نچی انت مومن معراج ۽ شاعري نوکيں تہر ۽ تامانی پچیں وان ایت۔ آئی ۽ شاعري ۽ تہا نوکيں رنگ ۽ دروشمے پدرانہ۔ پہ درور معراج ۽ شعر ۽ دنیاں،

مئے ذکشیں آ دزچک ۽ دار، سنگانی آپ ۽ زندگاں

تئی شیشگ ۽ مچ ۽ ڈگار ذی است اتنت مرچی نہاں

بشیر بیدار

پیروزہء دانگ منی

زندگیء سرگوستیں پندء مسافروتی پادء ترا مبلانی دردء وت کس اس کت کن انت
 آزانت کن انت اے دزاجیں سفر آہاں چے پیم بُراتگ ء اتلگ انت منزل ء۔
 آرٹ ء ہم یک ہنچیں دزاج بریں پند، یک پوٹریٹ ء یا جوانیں عکسے کینوس ء آئی ء
 گوں برش ء رنگانی آسراتی ء یک جوانیں آرٹسٹے پیش داشت کنت لبز ء پکرانی تاکاں
 آہاں یک بختہ نیں ء شیواریں شاعرے دراکت کنت۔ شعروت لسان الغیب ء،
 فطری رنگ ء حدائی جوزہ ء کہ شاعر ء شعرانی اندراودی بیت نجومی ء نہ انت، احوال
 کارے نہ انت کہ دستاں چاریت ء باندا ء حالاں پہ دزوک ء بٹاک دنت شاعر
 چاگرد ء وتی سرزمین دیوانگ ء مجنون انت۔ آئی ء شراب ء انگور، آئی ء مہگونگ
 ء دردانگ درست آئی ء گلزمین ء ڈس ء نشان انت کہ لس مہلوک ء گوں جوانیں قابے ء
 یادستونکے ء وڑ وڑ یں مہرگاں گوں کمائیت ء وتی چاگرد ء دیم ء ایر کنت ہے شاعری ء
 رندانہ، سرمستی ء چاڑ ء رنگینی انت۔ مئے لبزانک ء بازینے ء وتی تانجو تا تلگ انت ہنچو
 سوب مند بوتگ انت عطا شاد، کریم دشتی، محمد حسین عنقا، سید ہاشمی، ملافاضل، غلام حسین
 شوہاز، میجر مجید، بشیر بیدار، اللہ بشک بزار منظور بسمل مزینیں مڈی انت دگہ بازیں۔
 ہر کس ء وتی عہد ء کسہ گو پتگ انت ہر کس ء وتی شعرانی تہا وتی اندری جوزہ ء مارشت
 گوں ڈنی جوزہ ء مارشتاں، ہمگر پنچ کتگ انت وتاراج ء زبان جوڑ کتگ۔ مئے لبزانک
 ء اندر لبزانکی نگد کاری کریم دشتی ء عطا شاد ء مرگ ء پدم ٹوس انت کسے ند ء چست کنت
 ساچشت نہ چاریت نہ تپاسیت ہما شخصیت ء تپاس بیت۔ زندگیں راج ء قوم ء مستریں

نگد کارلس مہلوک انت۔ پرچا کہ شاعر و ابین ارواح ءؔ ژا مہلینیت ءؔ اگاہ کنت پہ ایشی
 ءؔ حاترا دگہ منطق ءؔ فلسفہ ءے ضرورت نہ انت۔ دہر ءؔ عکس ءؔ کشگ ءؔ باز ءؔ پہ ارزانی عکس
 ءؔ کشگ ءؔ جہد کتہ باز ءؔ پہ آپچشیں دل ءے ءے اے عکس کشگ انت و تیا یگا رانی لڑایات
 کنائینگ۔

پیروزہ ءؔ دانگ منی، منی شعرانی اولی گام انت، منی زند چم دیستیں کسہ انت
 ہرچی من مارتہ، دل ءؔ سکین داتہ ءؔ دہراوت چو آدینک ءؔ منا پیش داشتہ۔ بوت کنت منی
 مارشت ترا دوست بہ بنت۔ البت تئی دوستی منی سوب مندی انت منی شعر اگاں ترا یک
 کسا نکلیں یاتے ءؔ بہ پریناں من سر پدباں۔۔۔ من شعر گوشتہ۔۔۔ یا انچائیں جبر۔
 منتواراں واجہ میجر مجید، صدخان، پروفیسر شکور زاہد ءؔ، بلوچی اکیڈمی ءؔ کماش ممتاز یوسف ءؔ
 کہ ”پیروزہ ءؔ دانگ منی“ مرچی شمنے دست ءؔ انت۔

منتواری گوں دل ءؔ جہلانک ءؔ

بلوچ ءؔ بلوچی سبز بات

مومن معراج

کچ۔ 4 / نومبر 2016

یا اللہ

زند ء نگلیں کاراں شر کن یا اللہ
مارا درد ء دہر ء درکن یا اللہ

ائے وڑیں دعاوں لوٹ اتگ باریں چنت رند ء
وش نیاتکاں در پہ درکن یا اللہ

جنتیں ہلک ء قہرے کپتگ بے نامیں
پاکیں فرشتہ آں سوج ء سرکن یا اللہ

ڈیل منی ڈیہہ ء زاناں بہ بیت ء ساہ درتیت
ارواہ ء منے بختاور کن یا اللہ

کائنیت جند ء مسکیں دیار ء ہنکیناں
آ بیگو اہاں منزل ء سرکن یا اللہ

ہلک ء ڈکال ضد ء حسد ء سارت نہ بیت
کست ء کینگاں زیر ء زبر کن یا اللہ

پہ چنکے ارزنی دان ء کنت ایمان ء بہا
اے بدبختاں سوج ء سر کن یا اللہ

کلریں ڈیہہ ء مارا نعمت ء گنجاں دے
سیاہیں سنگاں لال ء گوہر کن یا اللہ

سیاہ ء تہاری ء گار بکن بیار ماہکانے
براتاں یکجاہ شیر ء شکر کن یا اللہ

سار گنوکیں معراج ء تو وت زانے
شر ء گندگ ء فرق ء درکن یا اللہ

(2006 حب بلوچستان)

جوانیں جہانے جوڑ کتہ

گلزمین بے پادگین ء آزمانے جوڑ کتہ
آفرین مولا ترا! جوانیں جہانے جوڑ کتہ

حافظ یے نشنگ عبادت تہجدانی کنت شپاں
آملنگ ء درد ء شیراز ء گدانے جوڑ کتہ

من دل ء چہ دیدگاں تی شکر ء منتاں گراں
گرشنگیں لاپانی واستہ حشکیں نانے جوڑ کتہ

ظالمیں عہد ء کجا زانتگ بنی آدم چپی یے
تو تلارانی اوں دل یک مہروانے جوڑ کتہ

آئی ء شرنگی ء بی بی زلیخہ تلوست
مصر ء بازار ء چے پیہیں یوسف جانے جوڑ کتہ

ما قلندر اویس کرنی ما بلاہ نوش ء سچل
مے وڑیں مست ء ملنگاں داستانے جوڑ کتہ

مانت معراج، مانت مومن، مارا چے حرص ء تماہ
اے اوں گنج انت حاکیں ڈیل ء ساہ ء جانے جوڑ کتہ

(منامہ بحرین 2001)

اللہ چہ درستاں مستر انت

ستک ء یقین ء یک بکن اللہ چہ درستاں مستر انت
امبروزء زنگ ء دوست مجن اللہ چہ درستاں مستر انت

ملگور بزیں پیچ بوتگ انت، زلف ریتگاں رکت ء سرا
برپانی بازار ء دل ء آس لگ اتگ سہب ء سرا
انجیر ء تاکاں دزجن اللہ چہ درستاں مستر انت

تل بستگیں لنطانی گم، دانکے دریت انت اہوت ء
اے گپ ء ہرجاہ من گشاں گاراں تی من محبت ء
باور بکن نگرہ بدن اللہ چہ درستاں مستر انت

پیشانی ء نور ء تی استال ء ماہ وازمندگاں
پلانی وشبو ء تہا گنداں تی بچکندگاں
مہر ء بہشت رنگیں چمن اللہ چہ درستاں مستر انت

امبروز ۽ ياتانی تها یک شڪلیں تو یات یئے
 حریج شے ۽ چے تو شر ترے تو قدرت ۽ سوگات یئے
 کس ۽ وتا کتر مکن اللہ چه درستاں مستر انت

گوات ۽ دمانے داشت کنت نودانی گپ بے باوریں
 آقدرتانی تاج دار، آ رحم دل ۽ زورا وریں
 خون ۽ مه جوشین گم مه کن اللہ چه درستاں مسترین

یاتانی دیم ۽ رتگیں، برپاں کجانگو آپ کن ۽
 په منزلانی بُرگ ۽ دنزاں گدانی ساپ کن ۽
 کرتگ گم ۽ چادر کپن اللہ چه درستان مسترین

معراج مرچی زندگی سرکپتگ باریں په کجا؟
 معراج شپانی ماهیکان کپتگ گشے دنز ۽ مُجا
 سبزیت مهربانی چمن اللہ چه درستاں مستر انت

قدرت

زمین ء باگ ء بہار آزمان ء گزند ء گبار
حدا ء جند ء نہ گندے تو قدرتانی بچار

ہمک سرشپ ء پشتہ یک روچے درپشان انت
ہمک ماہیکان بیت انت دمان ء سیاہ ء تہار

ستر کہ لُنج بہ بیت شپ گوں کوریں دیدوگاں
رژن ء ارواح ء شر ظاہر انت مات ء گہار

محمد مصطفیٰ تئی نام ء ندر ء قولیگاں
تئی کہ نام بلند انت جہان ء یک کلار

گناہ گاری ۽ اے کوریں کشکاں کش منا
ثواب دارانی ہمراہ بکن دل ۽ تاجدار

تئی دیما ذراہیں کائنات انت ناتوان
عرش ۽ کرش ۽ حدابندے درست تئی چمدار

بگنداں پاکیں مدینہ ۽ کعبتہ اللہ ۽
معراج زندگی بیت انت گڈا گل ۽ گلزار

(امارات 2002)

مدی

آہلک ۽ داٹگیں داد چند شعراں
زہیری بکچہ ۽ یاد چند شعراں

تئی درداں دوست ہزانگ مچ نہ کرتہ
ائے زند ۽ مال ۽ جائیداد چند شعراں

تو ایوک بئے بگندے یات بیاباں
بہ بند گرنچاں پری زاد چند شعراں

نہ گریواں دیم پہ دیما رس نہ ریچاں
جبین ۽ آہ ۽ فریاد چند شعراں

دل ۽ باندا تے ۽ چم ۽ سرا کنت
مروچی کنت برباد چند شعراں

بلوچ انگت فرہنگانی گلام انت
نہ کُرتگ کلمت آزاد چند شعراں

منی ہرچ مشکل ء سکی ء ہمراہ
درآمد بوتگیں سیاد چند شعراں

دل ء اللہ کمک بیت درنگیب ء
کتگ گوں دشمنان نیاد چند شعراں

کتگ ہلکے ویران جمبرے ء
کتگ یک ہلکے آباد چند شعراں

ہمیش انت شیدا گردیت الکہان انت
مجت بوتگ آباد چند شعراں

پہ چکاں حشکیں آپ ء لہڑ دئے معراج
گڈو ء سنگکاں گراد چند شعراں

(2014 لیاری کراچی)

شہرءِ روشنائی نوراًں پُلِیت انت منی

شہرءِ روشنائی نوراًں پُلِیت انت منی
 حشک بنت انت منی دڑائیں لبز ایر بنت
 شعر نیسگ نہ بنت، پکر کائینت گوز انت
 درد کائینت اوشتنت سرماں سرا
 دست ماں دست بنت
 جل انت و دار یگ بنت
 سبزیں دازی لداں
 پنس گیمرتگاں

کونرانی آتچک ء بزیں شاہڑاں
 بنت لکو ء پادانی چیرا کناں ایر ڈوک
 یک ء یک ء چنناں پشتگیں کوئراں
 چیزے راہ ء وراں
 چیزے زوراں براں پہ گلیں میتگ ء

اوئے من باتاں بیگو اہیں عقل ء و تی
 ہلک ء دیر انت چہ ہما کوہ بناں لڈ اتگ
 حشکیں کرگین ٹپور میزاں جت انت
 لوگ ڈمبیں زہیروک ء لیکو جن انت
 عہد ء روکیں چہ راغانی وٹ ستگ انت
 و ہد ء بے آپی ء دور تا چینتگ انت
 نا کہ بنی آدم ء نا کہ ساہ دار ء پد
 حشکیں تو لگ و تارا کنت گرک ء لد یگ
 پلیں ہنگولی آسکاناں جنت ء کشیت
 پکر کائینت ء اوشتنت سرماں سرا
 شہر ء شرنگی نوراں پلیت انت منی

(2012 لیاری کراچی)

شہید ایوب بلیدیء نامء

زندمان موتکے تہہ جتیں زندے
 دیرسریں کورانی دپی بندے
 لچ اتگ کہنیں عہدء یا تگاراں
 گم تئی انچیں لیٹروی باراں
 سہلہ ء ساپ ء کر دبیسیاراں
 رپٹگیں و ہدء کسہاں کاراں
 بزگیں شاری ء آملک نازء
 گریت الندر ء چب ء مینازء
 ٹیٹکے جت ماں شل سریں تیراں
 پند لے نوک بوت عہدء بیشکارء
 براتے گوں برات ء عہدء دیندارء
 سنگت ء ہمبیل توفداجانء
 چو حمیدجان ء دشت ء پلکانے
 ہر کجام سا ہگ دور گسر بیت انت
 پہ کئے ء نکس ء پہ کئے ء سیت انت

زہیر کو ہاں نیز ہیں دے لے مادر
 تئی بدل پیدا ک نہ بیت دو بر
 گریتگیں عہد ء ز ہگ سہر ینتگ
 بڑگ ء ایر دست گژن واپینتگ
 سحر چماں گوں چم میڈ ینتگ
 تو منی خاک ء غیرت ء رژن ء
 تو زلیخہ ء لالی ء گژن ء
 زندگ ء دید وکاں کجا گارے
 تو بلیدہ ء نام ء پچارے
 زندگ انت کرناں نام تئی مانیت
 نام ہامان انت شمس میں کرداراں
 گوشگ ات عہد ء داناہاں مینگاں
 زامران تنگ ء کوہ تنیگاں
 گژن ء گرکاں کتگ انگیر
 روباہاں ایر جیگ نبیت نر شیر
 کس نہ نندیت پاگ نہ بندیت
 اتلگیں ساہگ کہ دو بر گردیت
 زندمان چنت من خاک ء چیر ء انت

کورد پی شہجو ہاں توئے یا نگار
 کولٹڑ دازہ کوئراں پہتہ
 بلکہ پیریں یک بلوچکیں
 کسہاں کاریت تنگہیں مردہ
 کسہاں کاریت پلین ایوبہ
 دستاں بڑزاد کنت دعا لوٹیت
 بزرگہ وارہ آمد دگارات
 وش دلیں راجہ آطلب دارات
 سکی سہتاں چوشریدارات
 تیوگیں ہلکہ آفرشتہ ات
 جنتہ باگ آہ بہشت بات
 ”وہدنا زینیت دنت اجب لولی
 وش نہ انت جنگانی بدیں بولی
 کئے وتی دوستیں مردماں رولی“

شہرین زبان بلوچی

منی ساہ منی ارواہ، منی جان بلوچی
 شہرین زبان بلوچی، شاہی زبان بلوچی
 راج دپتر ء تارخ ء پیداک چہ حلب ء
 چہ زات ء رگ ء ریشگاں ہمگر نچ عرب ء
 پیگمبرانی دور ء جنگ گوں یزید ء بوت
 بغداد ء چرا دمکاں باز شام ء شہید ء بوت
 داں قیصر ء روم ء گر سیستان ء آ ایران ء
 گوں رند ء گوں لاشار ء سر بوتگے مکران ء
 سک دراج انت تئی کسہ ء داستان بلوچی
 شہرین زبان بلوچی شاہی زبان بلوچی
 قندہار ء بورینتگ جلال خان ء کپند ء
 تحت دہلی ء شنگینتگ میر چاکریں رند ء
 میر نوری نصیر اول ء دربار ء تہہ ء جنگ

جام درک ء ملا فاضل ء شعرانی توئے رنگ
 گوں گوڈوی نالان لپاشان بہ بیت سببی
 گوں گوہر ء ہراناں منی ڈاڈر ء چے بی
 کس داشت نہ کنت بواری دوزان بلوچی
 شریں زبان بلوچی شاہی زبان بلوچی
 منی سید ظہور شاہ ء منی پلیں عطاشات ء
 سالونکیں کریم دشتی منی ساحر ء درہ بات ء
 بابائیں جمالدینی ء مہرانی تو سوغات ء
 عنقا ء تو ارسانی پلکندگیں آیات ء
 گل خان نصیر ء تو زندان ء حکایت ء
 بیداریں بشیر ء تو ملک طوقی ء ارواے
 چنت نام دگہ خاک ء تئی مان بلوچی
 شریں زبان بلوچی شاہی زبان بلوچی
 تو ڈیرہ ء پیرکوه تراتانی سلیمان ء
 بیسمہ ء بچکندے منی سبزگیں خاران ء
 کنڈ کوچہ ء سوراب ء تو کوہلو ء بارکھان ء
 تو تمپ ء قلات ء کوہستگیں زامران ء

ہرچ نیمگ ء برز بلند شان بلوچی
 شریں زبان بلوچی شاہی زبان بلوچی
 تو جنزل مری شیروف حیر بخش ء تو ایمان ء
 تو اکبریں بابائے تو پہر ء بلوچان ء
 غوث بخش آ بزنجو، منی غوثی ء فرمان ء
 تو شے رگام ء یا شے عمر خان ء
 رودینی ء بادینی، جمالدینی ء موسیانی
 تو کلپریں بگٹی ء دینارزئی نوتانی
 گلدستہ ء پلانی تئی شان بلوچی
 شریں زبان بلوچی شاہی زبان بلوچی
 تو زیارت ء برفان مستونگے ء تو، تودان ء
 لیاری ء مزن مریں ملیر ء منی شان ء
 تو ذرائیں عربستان تو جلگہیں ایران ء
 ستار ء گہیں سازے تو عارف ء نورخان ء
 توقادک ء توجاڑک ء ناکوفیضک ء الہان ء
 تو نورل ء صوتان کنڈی ء نزیر جان ء
 گوں سبزل ء زہیروکان، الہان بلوچی

شریر زبان بلوچی شاہی زبان بلوچی
 تو مومنی شعران ے، ملا فاضل ے آگال ے
 نعت ے شاہ رب ے بگٹی نیں جوانسال ے
 میر چاکری شہک ے زیارت ے دمال ے
 گہرام دل ے بندیں پھرائی مثال ے
 بی برگ ے آ گرانا ز ے مہرائی سوال ے
 معراج زبان دوستی ے تو نوکتریں گال ے
 معراج ہے مہر ے منی شان بلوچی
 شریر زبان بلوچی شاہی زبان بلوچی



یاتانی بے شپانکیں رَمگ یل ترا نہ دنت
 دانکہ تئی زہیرانی باگیچہ پُلّ نہ بیت
 ذی پیراں مردے ء ہے کسہ آرتگ
 ہرکس وتی چہ وتن درسیت شات ء گل نہ بیت
 لٹٹاناں نازرکیناں سُمریں شعرے طلب کن
 معراج ہنچیں شاعرے، بہہ بے گزل نہ بیت

(11,09,2013 کوٹہ)



روچے، رنگے ۽ گردانے، تئی ٹھہل ۽ داباں چے بگشاں
تئی شہر ۽ دیوانگ دور، رواں وتا گار کناں، وتی جند ۽ کشاں

داں ہور مہ گواریت مہرانی ڈکال! تبد ۽ زندگ بیت
گم ۽ کہنانی بُن زہ حُشک تراں تئی ہلک ۽ مردم راست گشاں

مرگو ۽ دزوگاں زندگ بات شہداد ۽ مہناز سہن ۽ برات
ہردوک مہر ۽ ناکوزتک کسہ یے کوہنیں نوک گشاں

ادا باندات روچ بدل بیت انت ادا راستی دنیا ۽ چماں بیت
دل ۽ یاتانی دژمن دوست داراں ترا بے بلازہیرانی دوست کشاں

اے چپ ۽ چوٹیں عشق ۽ دمک، اے تیچ ۽ تابیں بازار یے
ادا آپ سُچیت انت ہور ۽ سرا ادا شیشگ سلامت سنگ، پرشاں

بانوری حیا لاں دکشیں، بیچاڑ ۽ ملوری نا وش انت
ہنیاں مہر ۽ تر نہ کناں تئی دست ۽ دل ۽ بچکندے مُشاں

ادا ہر کس سا ہگ ۽ گوڑم ۽ تہا وتی برہنگیں جان ۽ شودان انت
 اد۽ مردماں چے تو تماہ دارے باپشت ۽ سرانی دار۽ گشاں

من مرتاں مہر ۽ تئی دید ۽ منا زندگی گیشیں نصیب نہ بوت
 منی قبر ۽ شنلوں کارمہ دار، راز پاشک بیاں تئی منگلی پُرشان

من ہلک ۽ دنزاں کلماٹاں، ادا حرچی بیت پہ قسمت بیت
 تئی سُو ۽ روگن بہر۽ بانگ پر تو تاکی میں ہئی جنتر درشاں

چو مجنون ۽ چو فرہاد ۽ من عشق کتگ ۽ لیب نہ کتگ
 وتی چیریں رازاں مہرانی من بیدے ترا کس ۽ نہ گشاں

دل ۽ نازرک ۽ کہنچیں بازار ۽ معراج حُدا وت حیر بکنت
 منی ٹکراں نزار دستاں مہ بر من شیشگے باں تئی دست ۽ پرشاں

(اکتوبر 2010 کوئٹہ)

پیروزہء دانگ منی

امبروز ء رنگاں شر تریں پیروزہ ء دانگ منی
پُلّ ء گشے نازرک تریں پیروزہ ء دانگ منی

منی پسنی ء تیاب لمب منی کچھ ء پلکیں مچکدگ
چمانی دیما گوادریں پیروزہ ء دانگ منی

ایمن مبوکہ ما پریشیں عہد ء ما بدواہاں کشیں
گرکی ء وڑا کوہ یے گریں پیروزہ ء دانگ منی

ہلک ء ہلوہالو بیت حانی ء بارت انت شے مرید
جنگ ء تیار میر چا کریں پیروزہ ء دانگ منی

منی گلزمین ء رنگ ء بو، کوہانی شہجوتی کلوه
زیدانی گوات نئے ہمسریں پیروزہ ء دانگ منی

نیمونے نوکیں پیش کنت دروگاں زماںگ گیش کنت
راستی چہ درستاں شر تریں پیروزہ ء دانگ منی

وہد ء زماںگ چُٹ اِتگ دوستی ء سیادی کُٹ اِتگ
گوشت ناخن ء شر ظاہریں پیروزہ ء دانگ منی

پیروزہ انت سہب ء سمین، پیروزہ انت مہر ء زمین
ہرچ قدرت ء دیما تریں پیروزہ ء دانگ منی

پیروزہ ٹہل ء داب کنت، پیروزہ واباں کنت
دنیا شنگ ماہ ء سریں پیروزہ ء دانگ منی

توپکے زوریت درکپیت ہلک ء دل ء آرات کنت
تیرانی گزنج ء چادریں پیروزہ ء دانگ منی

یاتانی برپ ء موسم ء کپتاں من تبدانی گم ء
کلماٹی ء نام نئے پریں پیروزہ ء دانگ منی

ارسانی ہور ۽ ایردیے درداں کُشے ۽ چیر دیے
دستاں تئی کارچ ۽ خنجریں پیروزہ ۽ دانگ منی

مستانگیں پروانگیں دل پہ وطن دیوانگیں
معراج ۽ رنگ ۽ شاعریں پیروزہ ۽ دانگ منی

(2008 مئی بگ کچ)

من تئی و شبوہاں

من تئی و شبوہاں تو منی پیل
 من تئی کہیراں تو منی شانٹل
 من تئی دزچکاں تو منی بلبل
 جان جان مہر جان، من تئی شے آں تو منی حائل

وتی جاگ ء سیل کن بچار نکش ء نگاریں
 روج ایتگاں، نزیک تئی سور تیاریں
 تو جیگی ء بندیکاں مکن چوشل
 من تئی شے آں تو منی حائل

عہدانی کماشاں ترا دستاں بہا زرت
 کچھ ء یلا دات سور آپ ء ترا بُرت
 سرجت تئی بحت ء نون کجا فاطل
 من تئی شے آں تو منی حائل

تیرے بے انان ء دلبند ء جت ءے تو
 پہ سیل ء ندرگ ایران ء شت ءے تو
 واتر بے کائے چہ کدی زاہل
 من تئی شے آں تو منی حائل

آستنکانی مہرگ دوچاناں تلاء بند
 دل ء واہگ ء گزنج ء جوانیں جائے ء مہربند
 بلکیں بہ بنت سرجم دل ء تئی ہل
 من تئی شے آں تو منی حائل

نام ء سرا جنگ انت ادا تیر ء تپنگ انت
 رنگ ء رنگیں بلوراں ارسانی چے رنگ انت
 مروارداں چمانی مکن گگل
 من تئی شے آں تو منی حائل

وش انت تئی آواز تو چیزے ہنچیں
 حیران کنے باز تو چیزے ہنچیں
 شرنگ ء حسین ءے تو منی زیہل
 من تئی شے آں تو منی حائل

ارسانی دزد ء انت دل جنگل ء شات انت
 امبروز ء آ بچکند نوں سہن ء برات انت
 چہ انگراں درکپتگ گم ء سامل
 من تئی شے آں تو منی حائل

امیت نہ بوتگ دل ء اوست نہ بوتگ
 بیدے ترا معراج کس ء دوست نبوتگ
 بیا بیا بے چراغ انت اے زہیر ء کل
 من تئی شے آں تو منی حائل

(جنوری 2012 کوئٹہ)



سوگند مہ ور کہ شارتی حاک ء مین بیت
بچکندیے ء سرا، تئی مارا یقین بیت

مرچی تو کوہنیں آچش ء اشکر کوٹینتگاں
ہلک ء چراگاں کُش کہ پہ تو روک جبین بیت

وہد ء اے دنزیں موسم ء ہچبر دل ء مہ بند
گوات ء دز مجن تئی آستونک مین بیت

آ، کافرین زمانگ کئے ء چتکے آپ دنت؟
عشق ء ماں کربلاہاں تنیک حسین بیت

پلانی نندیت مٹ ء بدل کنت وشبوہاں
زہیرانی کننگانی شہماں گلزمین بیت

استال ءِ ماہ ءِ چہ تو شرنگی پنڈ اتگ
نیست انت جنکے میتگ ءِ اے وڑ حسین بیت

باگیچہ ءِ باگاں ہرچ رنگیں گلاب انت
من چوں کناں دل ءِ را پسند یاسمین بیت

کرت تے بہا گبرے دل ءِ نیلیں گوادرے
لیلام بیچ ءِ دستاں ماتیں زمین بیت

معراج انگت ہلک ترا پہک ءِ زانت نہ کنت
دل سادگ ءِ ولی یے کئے ءِ یقین بیت

(مارچ 2013 حب بلوچستان)

عہدء بالو

خیال! پلے دل ۽ جوراں گلاب کنت
 آترانگ کبگ ۽ وڑاٹھل ۽ داب کنت
 بہ مل تئی ملگانی زر سراتنگ
 دل ۽ روچ کنڈگ ۽ سربر دراتنگ
 تئی بچکنگ ۽ پشت زندگی انت
 بچار چوشیشگ ۽ پرشت زندگی انت
 من چماں شانک دینان ۽ دور گنداں
 دل ۽ را گاریں ساہگ گندگی انت
 بت ۽ سنگ ۽ حُدائی زور ۽ پہہار
 قلات ۽ مندر ۽ دزبندگی انت
 شپاں گوں کدہ ۽ کیفاں زرینیت
 زری موجانی گہکاناں شراب کنت
 آترانگ کبگ ۽ ڈول ۽ ٹھل ۽ داب کنت
 ندیستگ عہد ۽ بالو پہ سچگ ۽
 چراغ ۽ روشناہی رنگ ۽ نور انت

چیریں رژن ء نام ء کنت درانگاز
 دمانے دنت دہمال ء گواتیاں ساز
 دمانے قمریانی لہمیں آواز
 دمانے شانتلانی بال ء امباز
 دمانے جنگلے ء آس دنت باز
 دمانے سبز تڑاں کونری داز
 بُریت ریدگیں پیشاں حراب کنت
 آترانگ کبگ ء ڈول ء ٹہل ء داب کنت
 دراتلگ مہراوانے یک کٹھے ء
 شہار داتگ یک دستے مہ وٹھے ء
 گمانی جنتر ء درشت ء زوال کت
 سراتلگ زندگی مرچی تٹھے ء
 گُباراں تہ گُشیں اندیم بوان انت
 ہے کہ جار پرینت وت کٹھے ء
 جہان ء است انگت سر جوانیں
 جہان ء برجم انت ایمان کٹھے ء
 ریٹا سرشپ ء رنگ ء نقاب کنت

ترانگ کبگ ءِ ڈول ءِ ٹھہل ءِ داب کنت
 دہر ءِ ناشرین پیپار بیتاں
 ہما سالی کہ دل سنگسار بیتاں
 منا چہ وت گسر ترینت تی یاتاں
 پیچیں زلفاں گرفتار بیتگاں من
 مراتاں بے تو من زندگ مباتاں
 دمانے بے ترا گندگ مباتاں
 ہما داستان ءِ کسہ زندگی ءِ
 کہیر ءِ ساہگ ءِ تو دُتکی کت
 تو دزگہار زرت وتی گراں قیمتی کت
 وتی تو دُتگاناں داتگ آروس
 تو زرت ءِ شاری ءِ سالونک وتی کت
 شکاں منگلک ءِ کئے حساب کنت
 آترانگ کبگ ءِ ڈول ءِ ٹھہل ءِ داب کنت
 تو معراج وہد ءِ پیروزہ نہ بستگ
 تو معراج گرکی تل نزدیک ءِ دیستگ
 تو ہنچیں شعر کماٹگ نا یافتیں

نگاہاں بے اِنان مانا نزانگ
 زرانی سوریں نوداں شہد رتگ
 زبان گنگ بوتگ انت کورء تچوکیں
 حیران شاعر انت شعراں گشوکیں
 کجا ما ملافاضل ءِ جام درک
 کجا چوشے مرید ءِ داگ دیوکیں
 کجا مچات ءِ شوہاز ءِ ماشوکیں
 کجام معراج لوزاناں تیاب کنت
 ترانگ کبگ ءِ ڈول ءِ ٹہل ءِ داب کنت

(2014 حب)

مہر ۽ منزل

مہر ۽ منزل بوت کجا بیگواہ منی
چہ من سست ۽ دور شت ہمراہ منی

گپ نہ اوشتیت کست ۽ کینگ گپ گپیں
لنٹ وتی وت سوتلگ انت دیگ ۽ منی

یات دل ۽ اتکنے تو دوشیگیں شپ ۽
درد ۽ چنکاں بوت تلام ارواہ منی

مطلبی آل راستی ۽ وارینت شراب
زہر ۽ مان کت کدہاں دیما منی

اشکرکی برانزے ۽ سوتک مییتگے
دور شت آ گوئڈکیں داواہ منی

مرتگ انت، گیمُرتگ انت، راه چاری ء
گپت گباراں دیدگانی براہ منی

تئی گماں تیلانک دئیاں جوڑیں شراب
کیف ابیتک انت بے تنیگ ء بیا منی

عشق ء جہلاد باں دگہ راہ ئے گراں
عقل ء شر رنگی نہ کنت گمراہ منی

دل ء دردانی ترا احوالاں دیاں
ساعتکے ء بیا بہ نند دیما منی

زندگی معراج پہ ستکے زندگ انت
روچے گپیت دست ء کہ وت اللہ منی

(2013 تمپ کچ)

ناچی

موسیٰ ساچ فرما پادینکاں
 کمکے ناچ فرما پادینکاں
 دہر ۽ کلماٹیں خمار دگران انت
 سازاتگ سرشپاں پادینکی ژل اک
 زیمیر ۽ سازاں درد چیلینتگ
 چنت ۽ پرشتہ نوں عہد ۽ دشتری
 لنت ۽ پرداچ فرما پادینکاں
 کمکے ناچ فرما پادینکاں
 زند ۽ امیت ۽ دیار ۽ ناچ ۽
 ترانگ ۽ پلک ۽ گبار ۽ ناچ ۽
 کدہیں چم ۽ خمار ۽ ناچ ۽
 گردن ۽ قیمتی ہار ۽ ناچ ۽

کھر ۽ آماچ فرما پادینکاں
 کھکے ناچ فرما پادینکاں
 داں دل ۽ واجہی ۽ پاگ ماں سریں
 داں گم ۽ کیسگ مہ بیت انت ہالیگ
 ناچی تئی نام ۽ کجا من زاناں
 زر ۽ کلداراں پہ تو زرشاناں
 چینڈ کے پاچ فرما پادینکاں
 کھکے ناچ فرما پادینکاں
 واجہ ۽ میرانی بڑزیں ماڑی
 نگرہ ۽ سہر ۽ تلاء ۽ بستگ انت
 یا ہما رتگلیں حوناں بستگ انت
 تو دل ۽ جزم بو روچے کیت
 شیشگ ۽ لوگ پرشنت پہ سنگے
 شل سریں کارچ فرما پادینکاں
 کھکے ناچ فرما پادینکاں

معراج یک چمے نہ چاریت ترا
 آزمان کھر نہ گواریت پہ ترا
 دردء و اب کپتگیں سرگٹ ء نہ انت
 ایوک ء طوق تئی گٹ ء نہ انت
 ایوک ء ڈیل تئی گنہ گار نہ انت
 ایوک ساہ تئی سنگسار نہ انت
 دیدگاں تاج فرما پادینکاں

(نومبر 2014 دیر، دہلی)

شے رگام ۽ نام ۽

پلکانی دشت ۽ پاسبان، عہداں گل ۽ گلزار کن ۽

گوں حوناں زانشت ۽ وتی شال ۽ دل ۽ بیدار کن ۽

پلیں کریم ۽ برادل ۽، کوہیں حمید ۽ واجو ۽

کچ ۽ عطا ۽ ہمبلو، دشتانی پلک ۽ وشبو ۽

شرتو بلد ۽ سرپدے عہد ۽ نگیگیں جاوراں

مکر ۽ فریبی جلگہ ۽ اے ساحر ۽ جادو گراں

تو گیدی ۽ شعر چچ کتاں ۽ نَز آورنگاں کسہ گم ۽

تو راستی ۽ شہزادے حق ۽ گشوکیں حاکم ۽

شلیں تلارانی آسنگ ہمسنگ گندی پگ ۽

ناراست دزوگ بندانی تو چمانی جکیں کننگ ۽

بوتگ رنگ چوسندوسیل گرک ۽ لدیگی بیرک انت
بولان تی دست ۽ قلم سیستان تی چم ۽ چشمک انت

تیرانی لہڑیں شورہاں بالاد درشتگ مہرم انت
شال سرگیں بے تو گشے مرچاں تہار ۽ جہنم انت

(جنوری 2016)



جہان ۽ بے تبیں دودانی جی ۽ جان کن ۽
تو پلاں دور دے کنٹگاں گشان کن ۽

چشیں من مہمان نوازی ۽ ندرباتاں تی
زہیر ۽ داوت ۽ ارسانی زورے نان کن ۽

چہ مرگ ۽ پد تو منی مہر ۽ نیاد ۽ سرپد بے
منی عشق ۽ جست ۽ ہمک مردم ۽ کنان کن ۽

ترا شمشنگ تی بیتگ ۽ ہمک دزچک ۽
او پرشتہ بانزلیں شانتل پہ کے گمان کن ۽

اے گڑی رونگاں سندے ۽ بڑے بہہراں
او کیچ ۽ کور دگہ چنت بر ۽ توپان کن ۽

نیائے موسم ۽ دیوان ۽ ہم نیاد نہ بے
تو قول ۽ واعده کنتے ایوک ۽ زبان کن ۽

شک ء میر ء یلئے، کچے ء پر نیست انت
 حدوت رحم بکنت سک پہروشان کن ئے

وفا ء گزنچیں ہزانگ کجانگو پھریز ات
 نشانی ء را دلگ ء کجا زیان کن ئے

جنکاں! گوشتہ معراج مرچاں نادانے
 رازے گپاناں زورے گوں اے جہان کن ئے

(کچ تربت 1998)

نازینک

گلی داباں گوں بہ ملّ ہروچ نہ بیت عید
گلی وتا حانی مہ گمش ادا نیست شے مرید

گلی دزوگانی گوار گلی قندہاری انار
گلی ڈھاڈرے، روئے شپئے سبئی ءِ بدار
بچکندگاں کتہ میر چاکر ءِ شہید
گلی وتا حانی مگش ادا نیست شے مرید

نوداں بکن بگل گوں جمبراں بشل
روزرد ءِ مانشاننگ دگہ میینگے مجل
زہیروکاں جنت پرتو دل ءِ بے تواریں زید
گلی وتا حانی مگش ادا نیست شے مرید

ایمان ءِ نہاد ءِ مرغاں دژچکاں چے بال کتہ
سوداگرانی مطلب ءِ دنیا زوال کتہ

زوراں دل ء بہا امبروزیں زرخرید
گلی وتا حانی مگش ادا نیست شے مرید

دُکالیں میتگانی دل ء کمکے بگوار
گلی بینچو زلم مکن رب ء وتی بچار
تن ء تیاب ء کشتنت یکدارکانی مید
گلی وتا حانی مگش ادا نیست شے مرید

معراج بروبر انت ادا آہن ء تلاء
معراج مہر ء تن ء کتہ میتگ کربلا
نیلیت عشق ء زندگ خون واریں آیزید
گلی وتا حانی مگش ادا نیست شے مرید

(گوادردر 2012)



مرچاں تو دور دور ء روئے گوادر ء نیائے
 تربتی پتنگور ء روئے گوادر ء نیائے
 جیڑگ ء یل دے تو دل ء بارگ
 گوادر ء مرچاں سک وش انت ندارگ

پسنی نیادی، اور ماڑہ ء آئمر
 تو جیونی بیا اے موسم ء مان بُر
 نیلیں تیاب ء گوں موجاناں لیٹ ء
 کیت شیرکنی یے امباں نلینٹ ء
 سرگرے پہ ڈور ء روئے گوادر ء نیائے
 مرچاں تو دور دور ء روئے گوادر ء نیائے
 صدسال ء وفا انت منی دلبریں کچ ء
 تاسکے آپ ء بیا بریں کچ ء
 مند ء گیاب ء زامران رنگ ء
 کوہیں بلیدہ گیش مکن جنگ ء

کوشک ء الندور ء روئے گوادر ء نیائے
مرچاں تو دور دور ء روئے گوادر ء نیائے

برپیں قلات ء دربار ء آکوہنیں
سوراب ء آ دڑچکاں یک ساہگے رہنیں
خضداریں گروک رنگ آکنڈی نال ء
کد باریں گرے تو منی مشکے ء حال ء
جھاؤ ء جہل کور ء روئے گوادر ء نیائے
مرچاں تو دور دور ء روئے گوادر ء نیائے

مستونگ ء توداں کنڈ کوچہ ء براہ نے
منی دلبریں شال ء برپانی وڑائے
منی کوبلو بارکھان ء آب ء ہوائے
سیوی ء کولپور ء روئے گوادر ء نیائے
مرچاں تو دور دور ء روئے گوادر ء نیائے
تو نوشکل ء یک مچھ تفتان ء وڑائے
دالبندین ء نوکنڈی ء ماشکیل ء لقائے

بے سیمہ ء بے تالہیں دردانی تہائے
 نوروز ء قلات ء خاران ء کشائے
 کلگلی ء کور ء روئے گوادر ء نیائے
 مرچاں تو دور دور ء گوادر ء نیائے

گڈانی ء رنگ ء یک شہریے ودی ء
 معراج من دیستگ زی حب ندی ء
 پنویئے گردیت چہ ہما شوانگ ء پرسی
 لسبیلہ ء کیت انت چکریت منی سستی
 معراج تو بمبور ء روئے گوادر ء نیائے

(2012ء حب)

نشہ

نشہ کتہ تئی مجبت ء دلبر دل ء تب ء
 نشہ کتہ دل ء تب ء امبروز ء مطلب ء
 برے چرس ء برے تریاک
 برے پن ء برے مزواک
 برے مسکیں زمین ء حاک
 دل ء نشہ دگہ وڑ انت، خماری دوتاں ہلوت انت
 منی نشہ مجبت انت، مجبت ء عبادت انت
 نشہ کہ حانی انت گلے، نشہ شلی ء شاری انت
 شراب ء شیشگ ء تہا زندگی ء یاری انت
 نشہ کتہ سارتیں صباہ ء امبروز ء مطلب ء
 برے چرس ء برے تریاک
 برے پن ء برے مزواک
 برے مسکیں زمین ء حاک
 نشہ و ہنچیں دردے کہ چست بیت روگ نزانہ
 نشہ ء اصلیں مانا ء راہلک ء چوریاں نہ وانہ
 نگاہ ء ”میخانہ“ ء راستی عشق ء باز ء زانہ

برئے نگاہے چست کت زلف ءِ ٹالے دیم ءِ شانت

صدافرین ءِ مرحبا امبروز ءِ مطلب ءِ

برئے چرس ءِ برئے تریاک

برئے پن ءِ برئے مزواک

برئے مسکیں زمین ءِ حاک

نشہ انت ماتیں گلزمین صباہ ءِ سار تکیں سمین

نشہ انت لیلہ ءِ وفا پہ تنگ انت مجنون ءِ زمین

موداں ساپ ءِ کاشیں رکاں بینگانی مین

چم ڈ لگ ءِ کنڈزنوک شگاناں تاپگاں پہ تین

دل اؤں کہ بوتگ ذی

نشہ انت کبگی ٹھہل ءِ داب، نشہ انت چنگ ءِ رباب

نہ کت کس ءِ مانا ہے پل ءِ زبادا امبروز ءِ مطلب ءِ

برئے چرس ءِ برئے تریاک

برئے پن ءِ برئے مزواک

برئے مسکیں زمین ءِ حاکم ءِ دیستیں واپ

گمانی داغ شود باں یات ءِ تریزہ کیں شراب

بہ بارت انت تن ءِ بلکن ءِ گنز ءِ تیاب

نیلیں گوادر ءِ تب ءِ امبروز ءِ مطلب ءِ

برئے چرس ءِ برئے تریاک

برے پنء برے مزواک
 برے مہرء زمینء حاک
 نشء سرمچاری انت تپنگ قطار بستگ انت
 برے پء تر اتانیء خونء ہار بستگ انت
 خیالء کوہاں مشکہی زمین جمب رستگ انت
 برے پء دالبندینء حاکء لوگ پر وشتگ انت
 نہ ورتگ معراج مکتبء امبروزء مطلبء

(2012ء حب)



حیال ء مرتگیں اُمیت ء دامن ء را بہ پیچ
 پہ زندگیں دل ء درداں دو ترمپ ارس بہ رتچ

اے حا کے انچیں ہرچی کپت بیگواہ بیت
 تو پل کندگیں مُروارداناں رگاں رتچ

لہم ء نازرکیں دستانی بوگاں ٹپ کناں
 تنکیں شارے بڑور ہنیاںاں ہرت بگیچ

ہما انت کپتگے تو شال ء دمکاں در نیائے
 جتائی ء تئی ویران انت دلبرکیں کچ

دہر ء عیباں دگہ ٹیٹلکے جت چو شگان
 آ موداناں ڈمیں مان ات حراہیں تاب ء پیچ

دل ۽ را شرکے چنگ مہر ۽ وام داری ۽
مہ کوٹ لوگ ۽ نہ کرزاں تو کاگزاناں مرتیج

پہ سیل ۽ سواد ۽ دراتنگ آ شہر ۽ معراج ۽
بوتہ گوادری حلوه ۽ رنگ ۽ شیرکن کچ

(2014 کچ)



آ تام مان انت رگانی تئی مینگ ء تہا
آ تام مان نیست ہمک پینگ ء تہا

بچکندگانی چاڑ بہارگاہی مولم انت
گج ء کپ انت، شیرانی آ نیمگ ء تہا

سیاہ ء بزیں کالکاں پہریزگوں چادر ء
وشبو رچنت زلفانی شنگینگ ء تہا

دل توم ء رنگ ء کشتہ ڈگارئے ء اندرا
حوناں گوں زمین سہریت، سبزینگ ء تہا

دیدوکاں کدہیناں مہر ء ندارہ انت
دوزپتیں تڑمپ ارس ء وارینگ ء تہا

چنت سال انت جمری ء وتی گزند شمشتگاں
ڈکالیں زند ء روچانی گوازینگ ء تہا

کوہی شوانگے نے بلیے ماہ ء شتر ترے
 زہیرو کے مان بڑانی تئی گلینگ ء تھا

منی شاعری ہما بکطات ہلاس بیات
 منی ساہ در بیا آت تئی نازینگ ء تھا

حکم ء کسی نزوریت کاردار کسی نہ انت
 دل وت کہ بادشاہ انت وتی سینگ ء تھا

آپیراں زال ء گوشتہ سکی من کاٹ اتگ
 وتی چورہیں اے چکانی رودینگ ء تھا

منی گلزمین ء رنگ گشے زاعفران ء بوہ
 آجوتی کیت انت خونانی شنگیینگ ء تھا

معراج تئی شاعری ء دل ء منز لے جنگ
 پیشکپیگاں زمانگ ء گوازیینگ ء تھا

کسہ

مروچی کسہے منا گیر کیت انت
 یک کوہنیں عکسے دیما کیت اوشتیت
 من ء مروارد ناین یک جننکے
 کسانی ء دوئیں دیشتار بوتوں
 مزن بوتیں کجا ما گار بوتوں
 دل ء درگاہ قرآن ء پاکیں آیات
 پہ چشیں ہمسائیگی ء ساہ اوں حیرات
 آئی ء آ زندگی موج ء تہا ات
 منی پت میتگ ء کوہی شپانک ات
 آئی ء پت مشکت ء فوج ء تہا ات
 ہشت ء ہفت سالوں بوتیں یکجاہ
 شپانی پاساں بوتیں دیراں آگاہ
 شتیں آ بلکیں ناز جان ء لوگ ء
 اشکت چونیں کسہ راست ء دڑوگ ء
 چتوریں گپ جت چوٹیں اپوگ ء

بن دنت دلبریں مہناز ء لوگ ء
 پاک ء سلہیں بے دروریں دور
 وفا ء سنگ پُرشنگ زندگیاں دور
 کسانیں سنگکاں سندات بستہ
 زر ء لمباں شپانی دتی کت
 بٹکے زرتگ ء دُتک ٹھہینگ
 زری موجانی ریخاں بار بوتوں
 مزن بوتیں کجا ما گار بوتوں
 منی پت میتگ ء کوہی شپانک ات
 مدامی بستگے حمیل لانک ء
 تٹھے ہورماگ ے بستہ چادر ء لمب
 صباہاں گوں بڑاں رپنگ آ کوہاں
 رگ ء گوں دچار گپنگ یک گرک
 لدیگے رستریے زانت فرق ء درک
 پس ء چے بوت تاراج ہلک ء میتگ
 لدیگ ء گردن سندکت ہلک ء کوچگ
 بنا رتکاں دریں گندی ہوشگ

پت ۽ گوردات برچانک ۽ یک تیرے
 گرک کپتہ زمین ۽ ساہ یے سستہ
 ہے نیام ۽ کماش ۽ ترشترے ۽ تیرے لگت
 رگ ترینت ۽ آورت وہدے ہلکہ
 مزن مری ۽ جار شنگت ماں ہلکہ
 کماش تورینتگ ات وشناہیں دانکہ
 کماش ۽ زہر ۽ زرشانی کت ہلکہ
 برو بیارات ہے ہلک ۽ شپانک ۽
 دو ازرانک! گوردیانی من پہ لانک ۽
 گنوک انت واجہ کاراں پجہ نیاری
 لدیگاں جنت ۽ گارکنت بے انان ۽
 لدیگاں جنگل ۽ پجہ نیاریت؟
 لدیگ واہند انت آ برزیں قلات ۽
 کلاکولی برزپاگاں نہ چاری
 پت ۽ گینسارتے آورت کش ات اوپار
 انجیر دزچکے ۽ بے پل ۽ پیش ات
 شپانکی ۽ وتی بوتگ آ بے حال

شپانک است انت بلوچی ء بن ء مال
 سرا بست ئے پت ء ایرانی دزمال
 وتاسے کت قطار ء ٹکلیں تیراں
 کماش ء بستگیں اوتاگ ء سربوت
 کماش ء برانز گپت ء جبر کت
 کماش ء پندلے سازات یک نوکیں
 گریب ء بزرگ ء حقاں زروکیں
 شپانک مئے میتگ ء پہک ء گنوکیں
 لدیگ ء رستراں کئے کشت کنت انت
 لدیگ مئے حاکم انت اے جنگلانی
 لدیگاں بل وتی کار کنتیں
 لدیگ کہ بادشاہ انت اے لدانی
 لگوری پہ بلوچاں زندگیں عیب
 ہے ہلک ء کماش ء جنگے سازات
 پت ء بہتام ئے بست ء دیم دات جیل ء
 بلوچے اے نہ انت یک بہہ دارے
 شپانکے اے نہ انت یک سرچارے

سلاہ بنداں وتی باہوٹ کنت انت
 ربیدگ زندگ مان ات بے تماہ ء
 جنگے چست کنت پہ شازیہ ء
 کشیت گرکاں زمین ء رستریناں
 لانکے بستگ ء جنگ ء تیاریں
 بلوچ ء آ نصیب بیگواہی ء ات
 یک پاد یے کینسر ء نادراہی ء ات
 چونیں سرمچاریں پیراں مرد
 معراج اُشترانی پڑیں زین ء
 بز ء ہڑ ء گوں چاریت آکبت ء
 ہے جنگ ء کہ ماکردار بوتماں
 مزن بوتیں کجا ماگار بوتماں
 من ء مروارد نائیں یک جنکے
 کسانیاں ء دوئیں دشتار بوتیں
 مزن بوتیں کجا ماگار بوتیں



وفا ء درد جتائی ء بڑن ء سوزمان
زمین ء باطن ء مرتگ کسانیں ارمان

وفا ء زیارت ء لوٹ اِتگ ہزار رند ء
جتائی ء تئی زہیران داشتہ چوگان

پاداں لہمکیں سیبی ء تہلائیں پادینک
برے کلمپڑیے رتگ، برے رڑ ء وان

حدا ء دوستی ء حانی قباہ ء ترک یے بجن
تئی کہ گل دپ ء اتگ مرید مہمان

عزیز ء دوست ء وفادار بدوفائیں گم
اے دنیا چو گشے سینگار تگیں یک عکس دان

کچھ ۽ تبدانت، ریکانی جان ۽ تراہ کینیت
شال ۽ موسم ۽ برپاں کتگ زمستان

من بستہ ترانگ ۽ گل میہاں گوات سست مکنت
دل ۽ گدان ۽ سرا اتک معراج توپان

(2000 سیندک تفتان)



مہر ۽ ناز رکیں پُلا ناں سوچ ۽ بُن ۽
 وشیں بوہاناں پاہو دے بے گناہ

مہنو شہداد ۽ دوستیں نا کو زتک
 سندوسیل مرگو ۽ کت مرد ۽ جن ۽

گلزمین کاگد زینت کت
 کس گبریے ۽ بہا نہ کنت و تن ۽

علم ۽ زانشت مُردگانی دست
 رتگ روگن گشیگاں نہہ من بُن ۽

پہ ترا نوکیں سالے اتگ دوست
 گوستگیں سال ۽ گد گورہاں منا

پیسرا پاد ۽ پد کنت سجدہ
 مرچی پچہ نیارے یار منا

من بہ منّاں یا مہ منّاں چے بیت ؟
ہر دو نیمگ گوڑا دینت کپن ء

مُرخ تئی بانزلاں نزانن ننگ
مرچی بے بانزل تے ء گرد ء بن ء

براہوگی نیں مثال ء دات کناں
گم مپک یار اصل حق ننا

تئی حیاں ء من انگت گنگے آں
وہد ء درداں زبان دات منا

معراج دمکاں پہ گنوکی گرداں
بلکین ء ڈیک وراں پل بدن ء

(2013 کوئٹہ)

بلوچ

اِسپر ءِ زہمانی کاب ءِ سستہ کئی ارواہ بلوچ
سیک وتی گندل کتنت ءِ ڈوک وتی سرجاہ بلوچ

میر ہما انت پتر اش کہ دائم ءِ پراہ ءِ بز انت
نیست ترا نون جند ءِ ڈیہہ ءِ ننگ ءِ جاگہ بلوچ

چہ حلب سر سر تگیں لڈ ءِ بار جند ءِ ون
اشکتہ بُلک پری یے، پیرک انت حمزہ بلوچ

پہ دو روچی عیش ءِ نیش ءِ راستی اش اندیم کتہ
پہ وتی ماتیں زمین ءِ بوت بے پرواہ بلوچ

اے کجا تیرانی دیم ءِ داشت کناں ءِ بانج براں
 حمل ءِ گون انت لگور ءِ سہر دپیں ہمراہ بلوچ

جیڑا تگ ءِ ارس ریتگک پہ آوکیں باندا تے ءِ
 شہر دز نیں واب کپتگ دیدگ انت اگاہ بلوچ

پہ تپاک ءِ دزماں دستی ءِ کہ معراج منزل انت
 ما تو پرچا جیگ ماں جیگیں تو بلوچ ءِ ما بلوچ

(2013ء حب)



ماہکان سینگار کتہ زی حانی ء
دست ء چلہ گار کتہ زی حانی ء

بیگاہاں پادینک ژلیکاں کوہ سراں
روح ء رنگ سینگار کتہ زی حانی ء

چماں تڑکنت دوچاں دوچیت دلبریں
پلکاں سوچن گار کتہ زی حانی ء

ہنچو بے حال بُوت گم ء دنیائی ء
سینگ ء دل گار کتہ زی حانی ء

ہنچیں نادانے نزانٹیں نیک ء بد
آستونک ء سیاہ مار کتہ زی حانی ء

میتگ ء گاریں بُزاں شوہاز کنت
شوانگے سردار کتہ زی حانی ء

بیگاہ ء رپنگ پہ آپ ء آرگ ء
تن تے ء الگار کتہ زی حانی ء

دوست دلگران دژمنے وشان کتہ
ہنچیں جوانیں کار کتہ زی حانی ء

سار تکیں آپانی توک ء بوچے کپتہ
سک وتا شیوار کتہ زی حانی ء

شاری ء شدری درہ دلگران کتنتہ
ماہلک دزگہار کتہ زی حانی ء

بیدے شے ء کس منی بحت ء مبات
کسہ یے یا نگار کتہ زی حانی ء

شے مرید ء معراج سببی یل کتہ
چاکرے دشتار کتہ زی حانی



ورنایہی ء پل ء بہار زی است اتاں مرچی نہاں
تئی واعدہ ء قول ء کرار زی است اتاں مرچی نہاں

پرتو بہارگاہ ء بہار، زیدانی وش دابیں سمین
پرمن ہما تبد ء لوار زی است اتاں مرچی نہاں

مئے دزکشیں آ دزچک ء دار، سنگانی آپ ء زندگاں
تئی شیشگ ء مجھ ء ڈگار زی است اتاں مرچی نہاں

جمپاں سرئیے نوں کش اتگ، سدسال ء واب ء رپتگ انت
کوبانی پادانی توار زی است اتاں مرچی نہاں

ارساں مدئے بیگواہی ء پہ مرچیگیں دنیاہی ء
ہمراہ تئی دوست ء دزگہار زی است اتاں مرچی نہاں

مستیں نگاہاں شر بچار، چار نیمگ ء ہشکاوگ انت
رپنگ آ کیفانی ملار زی است اتاں مرچی نہاں

مرچی گم ء مٹ ء بدل دزکیت یک ہنچیں جائے ء
بچکند ء ٹھکانی توار زی است اتاں مرچی نہاں

پلانی ماہتیں مارخ ء کدکیت انت ہلک ء گندک ء
دل گوں زہیراں بے قرار زی است اتاں مرچی نہاں

طفلے ماں شاگیں گوانزگ ء پہ لیبویے ء سہڑ اتگ
گریوگ دلانی زار ء زار زی است اتاں مرچی نہاں

معراج پہ کئے شعراں گشے ہلک تمائیں لڈتگ
آسومری آ چم خمار زی است اتاں مرچی نہاں

(2007 کچ تربت)



کِشکاں زہیرانی سینگارگ ءِ انت، امبروزءِ رنگاں دل چارگ ءِ انت
 یات ءِ زہیراناں نژارگ ءِ انت، امبروزءِ رنگاں دل چارگ ءِ انت

سر پیم نہ بیت، من دیستگ کجانگو، تودانی شہر ءِ یا پلکانی دشت آں
 نزدیک ءِ نشنگ دور چارگ ءِ انت امبروزءِ رنگاں دل چارگ ءِ انت

مانداریت مہرانی یک گوادرنے ءِ دیستگ یک لالے نلیں سُرے ءِ
 آزری نوداں ماندارگ ءِ انت امبروزءِ رنگاں دل چارگ ءِ انت

گزنند ءِ گروکاں شہم اتگ فور ءِ مریانی بازار بُرت کچ کور ءِ
 سیل کن نہنگ ءِ ہیسکارگ ءِ انت امبروزءِ رنگاں دل چارگ ءِ انت

کے وفا تئی زہیر ءِ نبوتگ حرچ روکیں مہرگ ”ہیرا“ نبوتگ
 جیگی ءِ لاساں سینگارگ ءِ انت امبروز ءِ رنگاں دل چارگ ءِ انت

شے مرید چاکر رپنتنت شکار ء، جنگل ء تن ء برتگ چہ کار ء
ہانگل گنوکیں آپ ہارگ ء انت امبروز ء رنگاں دل چارگ ء انت

گاریں مسلمان ارزنی دان ء وت گڑیں میرانی کشت پہروشان ء
شادہاں کافر پیشدارگ ء انت امبروز ء رنگاں دل چارگ ء انت

دہر ء حیالانی چاڑیں پری انت شال ء آ کلماٹیں جمبری انت
انجیر ء پلاں کاردارگ ء انت امبروز ء رنگاں دل چارگ ء انت

پگر ء گدا ء انت لبزانی شاہ انت دنیا بزانتیں معراج ہما انت
کوراناں آدینک پیش دارگ ء انت امبروز ء رنگاں دل چارگ ء انت

(2013 لیاری کراچی)



ماہکان زمزیل بستگ مہپر ءِ ٹال ءِ سرا
جند ءِ ہلک ءِ گندک ءِ نیت مرچاں آ سال ءِ سرا

عہد ءِ کلماٹی ءِ تنیگ ءِ دل مئے شاعر جوڑ کتگ
یک دو شعر جمبری جان بستگ ما شال ءِ سرا

زندمان کازگ ءِ حراہیں ساہگ ءِ شودان باں
دل جنوزامی گشانے نوک نہ بیت سال ءِ سرا

عکس دست ءِ انت گرداں لوگ دل ءِ بے حال کتگ
سک کندگ کیت منامرچی وتی حال ءِ سرا

واہگانی تی بہارگاہ پہک ءِ نون ویرانگ انت
تالہہ ءِ یک کڈ کے بستگ ماں ڈگال ءِ سرا

دل اگاں تئی مان مہوتیں دوستی ء آ مومن ء
آئی ء نام چون نبشته کت تو دزمال ء سرا

ما پکیراں زندگی وتی جنگلے ء گار کتہ
اللہ ء شکر ء ما کشاں زند ء ہرچ حال ء سرا

وہم ء وزواس ء علاج نیست ات حکیم لقمانے ء
نیست ات شہداد ء بروسہ مہنویں زال ء سرا

واب چمانی شتہ تئی لہمکیں بالشت ء بزم
ما گل ء شادانیں دلبر زندگیں حال ء سرا

برات انت چوں جلوہ نش دات پل ء وشبو ء وڑا
سستگ انت معراج دوروچی ملکیت ء مال ء سرا

(2008 حب بلوچستان)



دل ۽ حال ۽ درائیں دنیا سئی انت
گناہ بارگ تئی جند ۽ وتی انت

تئی چماں منا نیست قبر ۽ جاگہ
منی چماں بلوچستان منی انت

درآمد لاش برت پہ ساہگے ۽
۽ دور دات درد ۽ کورچات ۽ وتی انت

ہمک بیگاہ سرامنے پل ۽ ریتلگ
ودی بوت بے انان یات ۽ دری انت

مرچاں ہلک ۽ چماں گونڈیں جمپے
ہما کہ پیشاں کوہ ۽ ہمسری انت

بہ بیت صدسال کلمانٹ شال ۽ دمکاں
۽ دل ۽ بدواہ دیم گوں جمبری انت

گم ۽ رنج يے کتنت بے حال دمانے
گل ۽ بال يک دم ۽ سک زندگي انت

سر ۽ چيرا ما کت گم ما واب کپتيس
نصيب ۽ منزل ۽ بے بستري انت

تئى حائل روح ۽ کت گون شے ۽ گوازي
تئى حاكيس جان تهنا چاكري انت

په چنڪے ارزني دان ۽ بها بوت
هه معتبر هه رهشون مني انت

من معراج بيتگ ۽ بيگانگه ۽ آل
که جند ۽ ساگ نوں دژمن مني انت

(2012 بگ کچ)

یکپارگی

دیدگ ء کجبل گوں ارساں شیپ گراں یکپارگی
کاغذیں رگّاناں آپ! لگنت درِاں یکپارگی

چیروکانی پیش مدار تو جلوہ ء زیبائی ء
بل منارا انشپی دوست من مراں یکپارگی

بلئے پاشک بیت شال ء دمکاں چیردیگ ڈکال گران
جمبری نون من تئی نام ء گراں یکپارگی

اُف نہ کرزاں نود شنزیریں مود ء ملگوراں تئی
شنگ اتنت دوشی آگردیں چادراں یکپارگی

عشق ء جہلی ء نزانے، عقل نزورانت ساہ ء کپ
دور مکن موجیں دل ء نی نیلّیں زراں یکپارگی

شہرہ شہرستان ء معراج مہر ء رنگ دنزیریں کتہ
کوچک ء گیابانے ء من تو براں یکپارگی



کیف ء چاڑیں ساز ء زیمیل کوہ سرے ء پیش کت
دل وتی من پُل ء ڈول ء دلبرے ء پیش کت

یک شہی نودے بہ شہزیت بیتگ ءے سر سبز بکنت
واہ ء فریات ءے ما زرت ء جمبرے ء پیش کت

حانی یے انچش زتگ ہلک ء اے کوہیں حاکم ء
لہڑیں پاہار شے مرید ء چاکرے ء پیش کت

ہنچو تنیگ ات کہ نیم راہ ء منی ہمراہ نہ بیت
من دل ء مہریگ ء تن پہ آپسرے ء پیش کت

اے فرشتہ انت دل اش حرچی بلوٹیت کت کناں
جنتی دروازگے پہ کافرے ء پیش کت

آوکیں چند مردمانی پاد ء پد بیگوواہ بنت
من ودار ء چنکے ارس راہ سرے ء پیش کت

گلزمین پولنگ شودانت کھر ء کھریں آچش ء
کہ نشان آجویں زند ء یک سرے ء پیش کت

نلیں دریا ء سرینگ ء دل سرینتگ وسرا
یک دمانے دل وتی ما گوادریے ء پیش کت

قدرتاں اللہ ء ہنجیں زانگ ء پھم ء در انت
یک درے ء بندکت ء یک درے ء پیش کت

جی بات آ ریدگیں پیشانی سارتیں ساہگ ء
شیرکنی یے کوہ بن ء یک کونرے ء پیش کت

درد ء اندوہاں جہان ء کسہاں کوتاہ بکنت
زندگی ء دردوں معراج شاعرے ء پیش کت

(2014 راسلخیمہ امارات)

نذر پہ خار انء نامء

کوچک ء زیداں دلبریں چاران ء روئیں
 سر بگرالی پہ گلین خار ان ء روئیں
 کہ تیار مہریگ انت دل ء ماہیں ہمتلی
 کوش کشیت ء نود دگہ ترزے ء شلی
 آسک ترڈنت سید پزوراں کوہ سر ء
 زم زمی آپے درکپیت شہجوئی سر ء
 ماں تلاردیماں نشنگ انت سی سو ملگیں
 کوہ بنی کبگ انت زاعفران شوداں بانزلاں
 پہ سمی ء جنت انت چو سرور مستیں توکلی
 کوش کشیت ء نود دگہ ترزے ء شلی
 رود ماشکیلی دریا ء رخشان ء کپیت
 سبزیں برشونکی کوہ ء سیاہان ء گوزیت
 رنخ جمپ بنداں آ مزن تل ء دامن ء
 ملک بلوچی انت ء متیار جلیں جُلگہ یے
 ہرگورا سیل کن زیبائیں رب ء قدرتاں

صوت الہانیت پہ ہما مہرانی نلی
 کوش کشیت ء نود دگہ ترزے ء شلی
 جنت ء جلوہ اتنگ انت لالیں کوچگاں
 مکتی رستگ لہمیں کرپاسی ہوشگاں
 مچکدگ سرسبز بیٹ ماں لوش ء میوگاں
 آ شریفہ ء شیرکنیں زردان ء کروچ
 کہر بہ کیا سکونک فشت اتنت سبز و روچ بہ روچ
 یات دل ء نوروز ء قلات کیت انت بیبلی
 کوش کشیت ء نود دگہ ترزے ء شلی
 سانگ ہڑپروشی موسم ء زلفانی دہمال
 بیست من غلہ بیت گرانڈ رخشانی پہ تو
 مملکت ء مال ء زیوراں زیراں زرگراں
 سید ء شے آن نیک دعا ہماراں کنناں
 لبان بندانت انت روچ اوشیت نیزہی
 کلہ ء روت انت بیتگ ء ماہیں گرانملی
 کوش کشیت ء نود دگہ ترزے ء شلی
 آ چراگجاہ ء جنگلاں کائنت نوک بہار

سبز کیوں گربست، آسک کاہ، آلونج ۽ مگیر
 آپتونک یلشہ، گیسو ۽ شمشیں کہور کاہ
 رستگ انت پرپک موسم ۽ لنٹانی وراک
 مہر ۽ حرماگے، ریگن ۽ لدگشت سبزین تاک
 ماچنیں داچیک پہ لسہیں گیوار ۽ گلی
 کوش کشیت انت نود دگہ ترزے ۽ شلی
 سرپشی معراج ہوت آں اسرار باز کتگ
 گوشنگے شعرے بیا نویس مہر ۽ یاتگار
 پہ شکار رپتاں بڈوئی کور ۽ آ کنار
 پتنگ ماہیگ ۽ سیم جت ریخانی سرا
 آ پُرانی ۽ آرت ما ترکت چادرا
 شاعر انت معراج جنتر ۽ زہیرانی ڈلی
 کوش کشیت ۽ نود دگہ ترزے ۽ شلی

(1999 سینک بلوچستان)



واہ ء فریات گوں مزن شانیں حُدا ء پاکیں
گیمریت پلے مریت روج اِد ء نازاکیں

زاموی کولڑاں دُکالی گماں بہورینتگ
اشکتہ پلکاں ماں دشتانی گہار ء ماکیں

روچے یک بیر سرپیت آچش ءے حوناں چنسیت
ڈیہہ منی سوتنگ ء پُر بوتگ جیگ ءے چاک چاکیں

تو کہ راجدپتر نہ ونتگ ء نزانے ننگ ء
راج تی کہبگیں کاڑے ء دپ ء مزواکیں

آ منی دست ء قلم ء را مدام چامپیت انت
آ منا دنت ”کرسٹار“ چے پیم چالاکیں

نہ گم ء ”بیورو کریٹ ءے“ نا تب ء سیاست دان
ہرکجام کیت ماں کرسی ء بس غضبناکیں

پیسری بیم ء منیگ ء چو قلات بورینتہ
نوں منی جندے اے ساہگ اوں سرا زوراکیں

منی عنقا ء عطاشاد ء صبا دشتیاری
منی گل خان ماں زندان ء تہا تابناکیں

داغ دنت دوچیت دپ ء راست بگش کس ء مہ ترس
ترا سوگند تئی ماتین زمین ء حاکیں

عہد زور آور ء زوراکانی پندل بازاں
کئے گشیت زیم سریں دردانی دوا تریاکیں

وہد ء بیگانگاں معراج سکین داگ ترا
جندے برات ء کہ سرا دائم تنگ تئی کاکیں

(2012 حب بلوچستان)



بہ نند دیم ء منیگ ء بلاہاں تئی زوراں
منی ہلک دلبریں کچچ انت تو گرد ء بمبوریاں

وتی من جند ء دیار ء آ کشک ء میم نہ کنناں
زہیر ء یات ء جتائی ء چم دویں کوراں

بہاریں ہالکو دشت ء بلیدی شمشاں
چناں من کاراں پہ تو سولبندی سیمسوراں

چو برزیں کوبانی ٹلاں مروچی اوشتو کے
اے شہر ء تانسریں مردم تئی چماں سہر موراں

تو بل ساہگ ء واہگ دل ء بہ بنت پیلہ
من ملکموت پدا درستیں گیاں تئی زوراں

ہما انت پٹو کہ بستگ ء برتگ براتواں
ہما انت کسی نہ گرداں ماں سندھ ء بمبوریاں

اے دہر ۽ نیپگیں ارواح کدی ہم سیر نبیت
تئی ارس شرکناں گم ترپش درد سک سوراں

کچ ۽ دلبریں اورماگ ۽ شیرگاں سیل کن
کروچیں کہر بہ بے تام انت عہد ۽ پنجگوراں

برزیں کوہاں یک کلچکے رستگ سرسبزیں
بچار دلبریں ہنگول ۽ آسکاں سک پزوراں

دلانی توک ۽ گشے گوٹڈیں گے جاگہ نہ کنت
مور کوہے کناں بیتگ ۽ سرا زوراں

دہر ۽ دیدگاں واد ۽ شکر نون ہم سنگ انت
کوریں دہر ۽ گوں معراج من سک مجبوراں

(حب 2009)

امل

امل بچار که دنیا ۽ کار چوں شراں
چداں چے گوستاں گڈا بیتگ ۽ تی مانترہاں

درآمدانی وڑا کپتگ انت دراں ڈیہہ ۽
آ بالی مرغ انت کڈواں وتیگاں واتراں

باندات پوشی تی سور ۽ ہنی بہر بنت انت
متر روچ ۽ سرا دست ۽ پاد سیاہ تراں

دیم پہ دیم ۽ مدام جی جان ۽ قربان انت
پشتہ تراںگاں مان رتچیت کچلیں زہراں

نہ کرازان کوہی شم ۽ رستگیاں من دازاناں
جنتک بیگاہاں کائنت ۽ کونراں کراں

توئے کہ انگت ترا کنڈگانی دوستی است
تی و دلبریں دزگہار پہ پل ۽ نازگراں

دلوں گوشت نہاد ء زبہر مہاں تنگ ء
تو دلبرے تئی گپ! تئی وڑا شراں

ہمک ساہگ ء پہ وت مسیت ئے جوڑیتنگ
شہرء مردماں سنیل کن کہ مدام بہر بہراں

کپوت ملوراں گم ء حشکیں دڑچک ء باہوٹاں
وتی گوں بحت ء نصیب ء اے دائم دلکہراں

ہمینچو گنج انت کہ معراج جنکے ء گوشنگ
بگش تو شعر تئی شعر! مرچاں سک شراں

(2005 سیندک)



کوریں دیدوکاناں امبروز ء یک دیدے بیاتکیں
من تو وشان بہ بوتیناں عیدے بیاتکیں

زندگیں موسم ء ماہیگاں بکشیت آپ ء
مرتگیں یات ء زر ء زندگیں میدے بیاتکیں

بلکیں مہرانی گژن ء را نہ بست سنگے دل ء
دل ء ویرانگیں صیاداں پہ سیدے بیاتکیں

من کشان گوکے کناں حیران سخی ء زیارت
ہلک ء آزاتی احوال گوں شہیدے بیاتکیں

شہر ء گووات ء گہیں دنز ء گباراں گاراں
گوں آ لڈوکیں بہاراں، پہ من زیدے بیاتکیں

چاکری مکر ء فریب ء گوں دگہ نامنے کمات
حانی ء دستگیں و ابا ناں مریدے بیاتکیں

گلزمیں پیر ء بزرگاں کنت توار نیم شپاں
یک سچل سائیں ء سرمست ء فریدے بیاتکیں

مصرا ماں حضرت یوسف چو بہائی بوتگ
ائے دل ء نیادی ء یک زر خریدے بیاتکیں

گنداں من مہرانی آجوائیں لگوریں زند ء
زلف ء زنداں ء ہڑینت سانکلاں قیدے بیاتکیں

باریں کی عشق ء ترا ویلی ء ابدال کتہ
معراج تئی رنگ ء مریداں گوں مریدے بیاتکیں

(اگست 2013 ملیہ کراچی)

پیداک انت

وہد ترانگ ء دست ء دل ء انت پیداک انت

دل دردانگ ء دست ء دل ء انت پیداک انت

زندگیں امبروز! کئے ء کشتہ باز نزانٹ

لاش زمانگ ء دست ء دل ء انت پیداک انت

عشق ء مکتب ء درائیں کتاباں آس دئیاں

دڑوگ ء وانگ ء دست ء دل ء انت پیداک انت

گرک ء نیشاں پچ گپتنگ یک ہڑے بُز ء

کوہ ء شوانگ ء دست ء دل ء انت پیداک انت

تئی بازار ء مردم چچو شیوارں
 زانگ زانگ ء دست ء دل ء انت پیداک انت

پہ گبرئے کس بہا ہم زرت نہ کنت
 دل دیوانگ ء دست ء دل ء انت پیداک انت

ہلک بہا بوت معراج ارزنی دانے ء
 دانگ دانگ ء دست ء دل ء انت پیداک انت

(21 دسمبر 2006 رئیس گوٹھ کراچی)



دنیا ۽ بوتگاں ۽ دنیا منی بی بیت
 زہیرانی چیریں رازاں کس ۽ سہی بی بیت

امبروزی، مدت ۽ تئی جتائی ۽ جہ جنگ
 من لوٹنگ چو دراج کجا زندگی بی بیت

زلم انت زیادتی انت، دل ۽ میتگ ۽ تہا
 ہرکس کہ وش انت حانی میر چاکری بہ بیت

وہد ۽ شکاریانی کتکاں زدگ کت انت
 آ شانتلانی حالاں جنگل سئی بی بیت

من دہر ۽ ڈراہیں گندگ ۽ شردیست انت دیم پہ دیم
 دوزہ تئی بہ بیت ۽ جنت منی بی بیت

معراج چار دانک وتی سینیکاں لک اتاں
 داں کہ جہاں است انت منی شاعری بہ بیت

پدگ

واہگ ء کور ء دپ بہ بستیں تو
 آزمان ء پدگ مہ بستیں تو
 واب مچاچانی دمکاں واپینیننت
 پونز ء کاٹاریں تلک سراپینننت
 شہدکیں رکاں تام چاشینننت
 نرکیں لنت ء تل مہ گستس تو
 آزمان ء پدگ بہ بستیں تو
 شال ء برپانی بلاوں زرتنت
 کچج ء پلکانی نمب آورت انت
 دشت ء آماش ء گوارگیمرت انت
 حق ء اکبال چو مہ زرتیں تو
 آزمان ء پدگ مہ بستیں تو
 زندگانی ہمسروکیں گم

ٹیٹلیں جمبری ء زلم ء ستم
 دہوتگ کلماتیں و اباں ابریشم
 و ہد ء بندیک سر مہ سستیں تو
 آزمان ء پدگ مہ بستیں تو
 زیبائیں برپ رنگین شالکوٹ ء
 کشمش ء دانگے ء ات لاکوٹ ء
 واہگ ء پرشنگیں آ آ کروٹ ء
 پل انجیر ء بہہ مد سستیں تو
 آزمان ء پدگ مہ بستیں تو
 تئی زیبائی ء بالاد چو ماہ ء درور
 ماہکانیں شپاں یار مہ گرد چوسرور
 ہچ نباں زانگ اد ء گندگ ء شر
 معراج امروز ء رنگ مدیسیں تو
 آزمان ء پدگ مہ بستیں تو

(جنوری 2001 دوحہ قطر)

امیت ء شپ

امیت ء شپ ء سستگیں استار ء منا دے
زالمیں دنیا! دل ء دلدار ء منا دے

دیوانگ ء مستانگ ہزار ڈنگ جتگ کشتگ
زہراں یے بکشٹاں ہے سیاہ مار ء منا دے

بازار ء دل ء مہرانی یک بندیں کتابے
نام ء را بسوچ انگراں، کردار ء منا دے

دریائی ء واہند انت گم ء نمبیں گلاس ء
جولاہگیں بازار ء تٹارا منا دے

جہلا زمین ء بڑزا خدا کس نہ گنداں
تہناتی ء دردانی شریدار ء منا دے

حانی کہ پسند میر چاکریں رند ء
چو گوشتگے! بیاشے مرید دشتار ء منا دے

کلمانٹیں ودار بتلگ انت سنگانی زبان ء
 آروس ء نہ کزراں گم ء گوجار ء منا دئے

موسم منی چماں گشے بانوری دُنان انت
 سالونکیں زہیرانی گرودار ء منا دئے

باندا من چہ تئی ہلکہ درکایاں رواں دور
 مرچی وتی بچکنگ ء یاتگار ء منا دئے

ما اش کتہ کم عقل ء نادان انت تئی معراج
 زانیکاریں جنکو ائے نزانیکار ء منا دئے

(2008 لیاری)



مُجان انت سیاہ تہاریں شپ کدی نوک ماہیکانی انت
بلاسیں منزل ے دنیا دو روچ ے آپ دانی انت

تئی ہلک ے ہمک کشک ے وتی پادانی پد ایرکت
دل یک ٹکریے برپ ے ہما شالے ے نشانی انت

ادا قحط انت شانتل تلوساں پہ چنکے آپ ے
ادا بے ہوری ے بڑن انت، ادا گپ جمبرانی انت

نزانے پندلاں، سازاں، نزانے چاکری مکراں
مرید تو جنگلاں گردے دپ ے تئی حانی حانی انت

رواں یک دوریں ملکے دراں ڈیہہ ے ولایت ے
تئی عکس ے گون دل ے بارگ کسانی ے نشانی انت

دہر ے کردگاریناں، وفا مرتگ نہ انت زندگ
گم ے آخر زمان اتکہ پہ مطلب زندگانی انت

تئی زلف ۽ تناب ۽ رنگ دل ۽ بندیت گوں زمزیلاں
 دراتلگ کہریں زندان ۽ نوں آزات زندگانی انت

شبیں ۽ چہراں اے دہرانی دل ۽ شرنگی کت یک وڑ
 ہما گپ بی بیانی انت ہما گپ مولدانی انت

بنی آدم حُداوند ۽ یک سوغاتے زمین ۽ انت
 کجا عرشی پری یے آ، کجا آ آزمانی انت

جہان ۽ سرد ۽ گرم ہنچاں، لوار ۽ تبد ہزاراں کیت
 ہما دزچک ۽ را زندگ کن، مے مہر ۽ نشانی انت

انگت زندگ انت معراج چکریت شعراں پر بندیت
 دگہ کئی مہربانی انت؟ حُدا ۽ مہربانی انت

(2013حب)

بیوسے کشتہ

کسے چو دیدگاں پہریزتگ کسے کشتہ
آ ہلک ء مردماں دوشی یک بے وسے کشتہ

آ روچی تو گلیں درزگہاراں آتکے دوست
آ موسم ء پہ تئی مہمانی ء پسے کشتہ

تئی زہیراں کہ دیرانت دل ء را لڈینتہ
آ بیتگ ء من وتی کوہنیں یک ڈسے کشتہ

چش آنت کدی دل ء نوک ناہیانی ارماناں
گلیاں ہوش ء تل ء ہنچیں پوگسے کشتہ

جہان ۽ مطلب ۽ زور اکیانی ہمدرد انت
 نزانہ کاریں گماں چو نہیں ذر سے کشتہ

تئی عشق ۽ جبری دل براہوگی اوں فرمائینت
 اِرت مسیٹ اخہ، اسٹ اَسے کشتہ

یک ٹالے آچشی بارگ سوچیت صد گریشگ
 تو توستگ جنگلے ارساں گوں باکسے کشتہ

ہمک ساہگ ۽ معراج گیپت روح ۽ وتی
 گُشیگاں تبدانی بازار ۽ ما کسے کشتہ

(مئی 2013 کوئٹہ)



دگہ شہرے روانے، چم ۽ واہاں برانے
 دل ۽ کوہیں زہیراں چہ دل ۽ دیر کنانے
 منی دلبر خمار چم وتی دوست ۽ ببر گوں
 چوں اش کنے باریں دل ۽ گنگلیں توار ۽
 تو تڑونگلیں ارساں مان روپے کوارا
 حیران کن ۽ کچ ۽ ہما تبد ۽ لوارا
 ترا برپانی بازار ۽ گشے ہمسفر گوں
 منی دلبریں خمار چم وتی دوست ۽ ببر گوں
 دل ۽ زیمیاں تلا دے کر پاسگ ۽ پکی
 مہرانی تدار دیماں یک مہریگے جھکی
 تئی دوری ۽ درداں دلوں چون نہ ترکی
 سوداگر ۽ امبروز ۽ بہا پنسیں گنر گوں
 منی دلبریں خمار چم وتی دوست ۽ بہ بر گوں
 تالان انت ہمک شینک ۽ تئی ترانگ ۽ ہوشام

تو بے اناں بچکندے دلء باز، رسیت آرام
 چوگار کتگ بیتگ ء وتی پیسر ء آ نام
 تو نوک تریں دمکانی دلاں کمو بہ تڑ گوں
 منی دلبریں خمار چم وتی دوست ء بہ بر گوں
 کدی عشق ء کتابانی منی کسہ آں وان ءے
 تو مومن ء زانے، معراج ء نہ زان ءے
 ما شہتیں مئے گنجیں کراماتاں نہ زان ءے
 گوں زدء حسدی آں کدی ہلک ء مہ تر گوں
 منی دلبریں خمار چم وتی دوست ء بہر گوں

(16.07.2000 سینک تفتان)

توار گیتکہ ...

اجبیں نورے بتلگ چار کُل ء
 کپوتے ایوک ات بانوری جل ء

کئے ء گوشنگ کہ بیا نزدیک ء عشق ء
 چتوریں راز پاشک کت ذی امل ء

درائیں پروانگ مُرت انت یک پہ یک ء
 نہ کرتگ جوانیں کارے گراں مل ء

جنگ کئکے دل ء بالی کپوت ء
 تواری گیتکہ کلاتک دوشی ڈہل ء

آ یک بانورے یاتانی بُرنک ے
 آ لیب کنت مہرگ ء کچکانی جل ء

ماں و ابانی تہا بانور ءِ سالونک
 نکاح دنت موسم ءِ را ہلک ءِ مُلا

دل ءِ دمکان بچار پیراں سری ءِ
 چے رنگ ءِ جہ جنگ ورناہی ہل ءِ

ابیتک انت ساہ دارے سر نہ کشیت
 گداماں موکوہی بستگ آ کل ءِ

اے امبروز زندگ انت دودانی پشت ءِ
 نہ بیت بے کنٹگ ءِ معراج پل ءِ

(2011ء حب)



مہر ءِ خمار بوتلگ عرشی فریشتگاں
یکیں شپ ءِ شراب ءِ دڑاہیں گم شمشتگاں

باندات ترا زہیر کنت پہ ستلگیں وتن
اے دانک ما دور روکیں دلدار ءِ گوشتگاں

شال ءِ پمیشکا جل اتگ تہنا گدانے ءِ
برپ رتکگاں چہ دڑچکاں وتی زلفے ششتگاں

گارباتاں من پہ دانائیں تئی زہم ءِ تیزی ءِ
دژمن تو اِشنگ انت ءِ وتی دوست کُشتگاں

سنگیں دل ءِ را، پلانی بچکندگے ءِ پروشت
من شیشگے نہ بوتگاں چیا زوت پرشتگاں

الم زمانگ راستی ء منوک بیت دلجماں
دڑوگانی بادگیر ء دڑائیں شیشگ پروشنگاں

تاپ ء کتہ تو روچے ء سال گوستگاں
گم تئی گشان ء رنگ ء منی دوست لگشتگاں

زہیرانی مچکدگ باندات شگانے جنت
یاتانی بیگم جنگی ء ناہ یے شمشتگاں

معراج ہلک ء حاکم ء سقراط ء کت منا
برداشت ء سگ بال کتگ زہروں نوشتگاں

(2012 حب)

دیم گیریں

نزانان ! دل کئی گیاں بزیریں
 توامیں شہر چہ ما دیم گیریں
 ہما انت موسم ء گوں زہر ء کہراں
 ہما انت تئی گماں گوں بہر ء بہراں
 ہما انت سند وسیل انت سانگ ء سیریں
 توامیں شہر چہ ما دیم گیریں
 من فرباداں وتی قول ء زبان ء
 من بُراں لک ء کوہ ء بے انان ء
 نزانن ترا بلکہ رد دنت شیریں
 توامیں شہر چہ ما دیم گیریں
 چُلک انت مؤلمانی شیر ء کلی
 بہارگائیں دل ء نیمغ نہ ہلی
 بُز ء کاناں ما یکجاہ نہ زیریں
 توامیں شہر چہ ما دیم گیریں

زمین ء منزل انت یا رُنگ راہ ے
 بنی آدم جی یے اللہ بلاہ ے
 دڑوگ بندانی ما گپاں نہ زیریں
 توامیں شہر چہ دیم گیریں
 وفا ء شیشگے ء پرشت کن تو
 زہیراں دیم پہ دیم ء کُشت کن تو
 نگاہاں نیزہیں آ کارچ ایریں
 توامیں شہر چہ ما دیم گیریں
 شہر ء زیبائیں دنزاں ہواراں
 ہمک دیم ء بچار کست ء گباراں
 آ معراج جند ء ہلک ء سک دیریں
 توامیں شہر چہ ما دیم گیریں

(اگست 2012)

دان است انت جہان

منی گرکی، تل منی، نودی شل
 داں است انت جہاں گوں داباں مل
 ترا سُہر ء چلہ اوں دست ء دات
 منی دوست تو کسانی ء دشارئے

ترا پس ء سرگیے دات سرا
 ترا ماس ء چلمبے گوش ء دات
 ترا تروا پلوہے پونز ء دات
 دات کستریں گہار ء ہارئے گورا
 بانوری ء کلہ ء حقدارئے
 منی دوست تو کسانی ء دشارئے

وتا کوہ ء مراد ء بُرت سرکت
 پہ تو چٹ ء تاک ء تاہیت کت

شیرہانی گورا من دست بستگ
 چنت ٹہگیں ملاواں رد داتگ
 گوں من گپ نہ بنت تئی بازار ء
 منی دوست تو کسانی ء دشترے

تئی لنٹاں پرندوشی گوشنگ
 درائیں دنیا سلامت بات معراج
 بلتے ترس انت زمانگ ء سیاہ گواتے
 منا گوں تو محبت بات معراج
 منی دوست ء دلبر ء دلدارے
 منی دوست کسانی ء دشترے

(2005 کراچی)

ندر پہ فراز جان ۽ نام ۽

بگ منی ہنکین ۽ منی پلکین گلزین
 بگ منی بستار ۽ گلین شہکونین سمین
 بگ منی جان انت ۽ دل ۽ دوست ۽ ہمنشین
 بگ منا دوست چہ ہزار رنگین گلزین
 بگ علی احمد ! شاکر ۽ بانگانی توار
 مچدگ پلک ۽ سورگین ڈنانی لوار
 بزرگل ۽ اوشر میہڑ ۽ گوکانی قطار
 سسی ۽ زیارت میری ۽ لمب انت شمار
 رست دل ۽ ورنائی بگ ۽ پلکانی گبار
 بگ زینکانی ۽ مزن پپانی شہار
 بگ ندیم جان ۽ بڑگین مات ۽ گالوار
 عہدگیں ڈمب انت چو گشے رندانی دیار
 یوسف ۽ پل انت رستگین گونگانی کچ ۽ ہار

ہر کجام تو پانے لتاریت انت بڑہ کار
 پوڈری بچے گارے کنت پہ شلیں سگار
 کہ برے ریٹائیے کناں عہد ۽ وام دار
 بگ فتح جان ۽ کنتشگیں سبز وئیں کنر
 آ سخی شہباز ۽ ”ٹھکانہ انت“ یا تگار
 نیانی ”زیارت“ نور برماشیت سیاہ سر
 خنجر ۽ تیزانت شاعریں معراج ۽ نظر
 چاہ ۽ بہتی ۽ سرپتگیں پلانی کشار
 بگ فراز جان ۽ زندگیں بچکند ۽ توار

(2010 بگ)

گر کی تل

گر کی تل عشی پری جان ء جگر نور و نظر
 گون تئی عشق ء کتگ رہن وتی ساہ ء سر
 وتی شرنگی ء گپ ء تو دگہ جاہ ء مبر
 گوئڈکیں عقلے ترا رب ء نداتہ دلبر
 آ چسے آپ ء تہا روک کئے
 مئے وڑیں سادگاں گنوک کئے
 تو و براہ دارے تئی رنگ عنید ء نوک انت
 ڈیل ء تئی جلوہ ء کشتگ انت قندیل روکیں
 تو چو ملے اے سمین ملیت دگہ گوشے بجھیت
 درہتیں دنیا ء گشے ساہ گوں ترا بندوکیں
 قدرت ء رنگ ء تئی رنگ ء گشے زرتہ اثر
 کسہ یے کوہنیں دگہ نوک کئے
 مئے وڑیں سادگاں کئے
 تو کہ بچکندے چناں آپ تب ء آبدندان
 چہ تئی جنزگاں آمین ء دل ء تامدار بیت
 اُمبکاں تُرپش ء کٹاریناں گشے شہد رچیت
 باگاں انگوری ٹلنگ نوکیں تے پہتہ بنت

رب ۽ جوڑ کر تگیں در چکانی توئے شہدیں بر
 دامنا و شبوہیے بندوک کن کنے
 مئے وڑیں سادگاں گنوک کن کنے
 تو کہ جان کشتے تچیت آپ دے شہجوہاں
 لنکی تر کگاں یک سازیے توار کنت کوہاں
 تو کہ سینگار ۽ ماں آزمان ۽ دریگے پچ بیت
 عرش ۽ واہنداں تئی رنگ ۽ ندرگ کنت انت
 کنت ترا نام خدا ماشاء اللہ نہ کرزاں صدر
 گلزمین ۽ تو دل ۽ نوک کننے
 مئے وڑیں سادگاں گنوک کننے
 شیشگ ۽ شہر ۽ گشتے سنگے جنگ معراج ۽
 عشق ہمیش انت کہ خمار چم تئی کتگ معراج ۽
 عشق ۽ نام ۽ چو مگر عشق کنگ سک گران انت
 آ کسے عشق مزانت انت آ و انسانے نہ انت
 عشق درویش پکیر کنت عشق کنت پیغمبر
 جامگ ۽ عشق ۽ کدی نوک کننے
 مئے وڑیں سادگاں گنوک کننے

(2011 کراچی)



بیا پچ بگر موجیں دل ء بکشاتگیں زہیر ء وتی
 پہ من نپر کن دیم بدئے توجیگی ء ہیر ء وتی

ہند ء وتی سرستگاں زمزیل ء کیزاں بستگاں
 آجو بکن چہ دژمنناں عہدانی دزگیر ء وتی

چے زیارتانی اے کمال مئے سٹک پہ رب الزجلال
 تو اوں توارے پربکن بے تالہیں پیر ء وتی

عہد ء نقیبو زرتگوں زیارتاں چانوک گپتگوں
 بالاچے آں الم گراں آ دودا ء بیر ء وتی

مئے واہگ ء امبار ء دوست مرواردء بکچہ پچ آنت
 چہ من رزا انت نوں ترا زور تو دل ء سیر ء وتی

منی ترانگ ء گنجیں زہیر نیل انت اہل ء وپسگ ء
 کشیت مئے عکس ء سیل کنت چہ سرجاہ ء چیر ء وتی

من پہ ترا فرہاد ہاں بچکند ءِ بیا شترین ءِ رنگ
کشاں من سنگ ءِ سینگ ءِ زگریں گم ءِ شیر ءِ وتی

راستی ءِ شاہیم جہل کت دزوگ ءِ محبت کل کت
ایمان گبرے کت بہا آ میتگ ءِ میر ءِ وتی

اداشل سریں کنٹگ تج انت ادا سنگ ءِ سیاہ ڈنیں ڈل انت
بیا شیشگ ءِ ہلک ءِ امل بنداں اے بادگیر ءِ وتی

معراج نزانان پرچیا ہلک ءِ جنتکاں یل کتگ
مرچی ابیتک ءِ ایوک انت آ کاپر ءِ چیرا وتی

(1995 بگ کچ)

مناگوں وت برگوں

جننک! شریں جننک منی گیاں بزور مناگوں وت بر
روئے شہر ۽ دگہ بئے دیدو کاں دور منی گیاں بزور مناگوں وت بر

جننک تو پک ۽ زہم بکن نازاناں کم، جننک مارا کشت تئی بچکند ۽ گم
تئی رکاں گمیگ تئی زلفاں ملور منی گیاں بزور مناگوں وت بر

ہما دازانی پُر ہما پنسیں کٹر، اد ۽ آسکان ۽ سیداناں بوتگ نظر
اد ۽ کبگانی چم بوتگنت ہردو کور منی گیاں بزور مناگوں وت بر

جننک شیراں پنیربادی دانگ بدئے دل ۽ بالاد ۽ رنگ ۽ بشانگ بدئے
بکن گوں ساہگا وتی جندیگا سور منی گیاں بزور مناواں وت بر

جننک برنجان جوہان ۽ دان ۽ کنگ، جننک تو ہیل کتہ مدام زنگ ۽ جنگ
ہے کسہ مئے بوتگ ہلکہ مشہور منی گیاں بزور مناگوں وت بر

تو پھ کچ ۽ قلات ۽ دگہ دودے ۽، جننک سسی و سحتہ بوت گد شودے ۽
چے پیم بوت گج ۽ کپ ہما بمبوری کور منی گیاں بزور مناگوں وت بر

زندہ سرسستگیاں کو ہمیں ہمراہی ء، رب ء پاک ء بلاہیں اے دنیائی ء
مہر ء یک دیکے ء ڈیک ورے تو ضلور منی گیاں بزور مناگوں وت بر

دانک ء دانک ء سراجنگ ء تنیگ باں گوہ نڈکیں گپے ء جیگ پہ جیگ باں
بلکہ کیت انت کدی تی عقل ء شعور منی گیاں بزور مناگوں وت بر

پیر ء ولیانی مہرانی آ نند و نیاد، شننگتگ چپ ء چاگرد ء ہلک ء زیاد
زیارتیں شہر ء گڈات ڈیکیں کہور منی گیاں بزور مناگوں وت بر

جنتک و شبوہیں پلاں نازک ترے، دریں رنگاں جہانیاں تو شر ترے
توے کوش ء جلسک توے نودانی نور منی گیاں بزور مناگوں وت بر

عشق ء دستاں زہیرانی واز مندگاں کس نزانت معراج من پہ کئے ء زندگاں
منی باسک نوں نہ سگاں دردانی زور منی گیاں بزور مناگوں وت بر

(2009 کراچی)

ماہکان

کبک رپتاریں پری ء ہلک ء ماہیں دلبرے
 صورت ء رنگ ء نہ کزراں حور ء پریاں شتر ترے
 ٹھہلیں بچکندگاں بارگ ! کشے مئے دل ء برے
 تو پری سک مجازے دوستی ء مہر نزانے
 اے تہار مائیں شپانی دل ء روکیں ماہکانے

رتلگیں ارسانی بچکند زمین ء تنگ انت
 شے مرید منیگ ء تئی عشق ء مثال یک رنگ انت
 حانی ء واستہ مگرے زنگ ء مجن میر چاکر ء
 حانی ء چہ تو پلپیت انت لانگہاں دہر ء نزانے
 اے تہار مائیں شپانی دل ء روکیں ماہکانے

گلہ ء کئیگ ء کناں من چہ وتیگاں سستگاں
 باریں چنت سال گمیگ ء رنج ء قید ء بوتگاں
 درنگیسی اتلگے نے پہ منا بحتہ ورے
 ہنچییں پلے ء نہ کزراں و شبوہانی باگچہانے
 اے تہار مائیں شپانی دل ء روکیں ماہکانے

ترونگیں ارساں گوں سرسبز ترانگانی باگ نہ بیت
 کپتگاں دریا ء عشق ء گوں من اوژناگ نہ بیت
 درد ء سیلاب ء منی دست ء گر ء کجا برے
 مستیں موجانی تیاب لمب دل ء دور شانے
 اے تہار مائیں شپانی دل ء روکیں ماہکانے

من تئی نام ء جتائی ء گراں یات گڈاں
 لنکاں بارگیں کاڑانی کہ ابریشم اڑاں
 دوچک ء دوچیک ء دلبر ہرکس ء تو زپترے
 جیک ء جالار ء تنابانی تب ء ارمانے
 اے تہار مائیں شپانی منی روکیں ماہکانے
 یکے ء شنکاں وتی تو دژمنناں چو باز مکن
 نازرکیں وہد ء او معراج کس ء ناراز مکن
 دیدگاں ایربکن کشک ء تو مائیں دلبرے
 پہک ء ابدال ء گنو کے داباں امبروزے نزانے
 اے تہار مائیں شپانی دل ء روکیں ماہکانے



چاردہی ماہ ء کہ پوش ات، دیم ء گردیں چادرے
ناشناسیں یک دیارے سرگران انت دلبرے

یک دمانے ء مگنداں صورت ء زیبائیں تئی
شے ء ابدال ء گنوک باں گرداں کوہ ء کوہ سرے

گلزمین بچکندگانی پہک ء ویراندانی انت
چو کہ زہیروکاں بجننت پہ گاریں بچ ء مادرے

آ گشیگاں بگجت ء یک کوہ ء پہولیں گلے
پاک چو آپ ء زم زم ء ء ساپ چو حوض ء کوثرے

یا خداوند صد بر ء تئی منت ء را من گراں
یک درے تو بند کنے ء پیچ کنے نوکیں درے

سیبی ء بے تابیں دمکاں عشق ء آجے روک کتہ
در پہ در بیت شے مریدے آنل ء بارت چا کرے

گردگ ء ءے پہ گنوکى پہ کئى شوہازگ ء
انگت تو ہچ نديستگ یک پچیں دمک ء درے

دين ء دنيا، زرات ء زريات ہچ نديريت ارزشے
آ کسے کہ مہر مزانت انت آ يہود ء کافرے

آئى ء شرنگى ء تن ء چے پيم سيرآپ کنت
نيست حيال ء سنگرتگيں چگاناں یک سرے

منى دل ء رازاں پليت انت چيروکائى شعر گوشيت
آئى ء گوشت دزگہاراں معراج چونيس شاعرے

(چمن پھائلک کونٹہ 2004)

آٹھیں پری زادہ لے

آٹھیں پری زادہ لے، آ پارساہیں میتگ ء
چو درپشناکیں مہرگ ء جیگ ء سراہیں میتگ ء

اللہ بزانتیں چون بیت چہ مرگ ء پد باریں منی
یک پیراں مردیں ساگے نشگ گمائیں میتگ ء

روچے زمین ء کل بیت، روچے سُچیت ء نور بیت
آرواہاں شوہاز کئے بکنت آ بے گنائیں میتگ ء

وش بوئیں پلانی نفس، امبروز ء زندان ء قفس
آئی ء ہچ پرواہ مبات آجان ء سائیں میتگ ء

من سیاہ شپانی شاعراں تو کلکشان ء دزگہار
ترا پکرانت جندے دوست وتی منا پکریں دراہیں میتگ ء

منی ترانگانی شپ کدہ منا بل کہ من واینگوں
منایات انت تنگت گپ ہما آ بدوپاہیں میتگ ء

دڑچکے ءِ دارے جاہ بجنّت زلفانی پہ پیڑ آگ ءِ
 بلکینگ ءِ ہو ریے بکنّت جمبر سراہیں میتگ ءِ
 ہنچیں دگاہے کت دگہ پریں قباہ ءِ توشگاں
 چنّت پنّد ءِ منزل منگ ات آکھرباہیں میتگ ءِ
 ریخی ماں ریخی تلارنگانی گواہی جنگل ءِ
 زہیرانی پلّیں مچدگ بے وہد ءِ ناہیں میتگ ءِ
 نہ مرتگاں، نہ زندگاں سنگ ءِ بُت ءِ چوکپتگاں
 ساہ دارا، دراہ لڈات شتاں آ بے سماہیں میتگ ءِ
 معراج اے کوریں چم منا باریں کجام دیم ءِ براں
 منا کشک ءِ نوں پیشداریت کئے آ دلرباہیں میتگ ءِ

کلمت ۽ بازار فرہنگ

عہد ۽ نیزگاری ۽ دل ۽ گوشتہ پیرش باریں
 ہے حاڪانی نیامجین ۽ منی بندیک ۽ سرگاریں
 انگت گلزمین ۽ شادیہ ۽ روچ دردنہ گیتلگ من
 وتی آجوتی ۽ سالونک تحت ۽ سر نہ گیتلگ من
 منی حونانی حریچ ترمپ ۽ دگہ آشوبے سر رتنگ
 وتی ڈیلوں کتہ تیر بند ۽ تیراں شورہ یے مینتگ
 منی مادر ہما روچ ۽ سرا پاگ ۽ منیگ ۽ بند
 منی ابا ہما روچی نکاح ۽ را منی وانین
 منی لالا ہما روچی منی سالونکی ۽ نازین
 بدارات چاپ ۽ نازینکاں ذرائیں ہلکہ سرا زورات
 بلو ہالوہاں وشیناں دل ۽ سالونکی پر بندے
 دل ۽ را دلبریں کاڑے ۽ کرا زوت نادین ات
 ہما روچی حیاں ۽ تنگہیں حاک ۽ کناں آزات
 ہما روچی وتی نیلیں زر ۽ واجہ ۽ واہند ہاں

ہما روچی تلاء ء نگرہ ء کوہانی ہاں فرزند
 ہما روچی مریداناں چشیش حانی نصیب ء بیت
 ہما روچی اے مستیں توقلی ہاناں رسیت سمو
 ہما روچی گلیں گرانازاں امبازیت انت بیہرگے
 ہما روچی مروکانی سروناں درکپیت رژنے
 ہما روچی منی راج ء تبکاں درکپیت گژنے
 ہما روچی من سالونک ہاں کش ء ننداں گلیں لال ء
 ہما روچ کلمت ء بازار فرہنگ ء چے بیت ہالیگ

(اورماڑہ 2015)



کتا بے تیج کنان ء مہرواناں جہان ء مطلب ء را من نزانان
دل ء روک کرتگیں آس ء سچاناں جہان ء مطلب ء را من نزانان

تماہ ء ذرائیں جلوہ پہ تو دلکش، انا گاہ درپشتت مہر ء روچ ء کلکش
شب ء استال ء ماہ ء ماہیکاناں جہان ء مطلب ء را من نزانان

گمانی بستگاں زمزیل ء جیلاں جتاہاں سستگ ء من سندو سیلان
ہلک ء دیدگاں ما زان پہ زاناں جہان ء مطلب ء را من نزانان

گنوکیں مجنوعے آسک ء نپرکنت روت پہ لیلی تے ء یک حالے سرکنت
تئی شہر ء ذرائیں قاصد بے زباناں جہان ء مطلب ء را من نزانان

تلاہیں ارساں مان کنت ردو کے ء گریب درتگیں یک شالکے ء
چنان ء مچ کنان انت حشکیں ناناں جہان ء مطلب ء را من نزانان

دلوں چو اُشترے ءِ برز حیا لیں، نہ چاریت منز لانی دوری ءِ را
آ پادانی کہ دیم ءِ سیل کانان جہان ءِ مطلب ءِ را من نزانان

کجا سسی ءِ حانی دز گہار باں، کجا میری قلات چو سیوی ءِ بیت
مرید ءِ پنو ہردک چاپ جنانان جہان ءِ مطلب ءِ را من نزانان

معراج زندگی یک رنگرا ہے پہ ہماہاں چم اش ہردک کورمہ بنت انت
کورانی میتگ انت آدینک کیا ناں جہان ءِ من مطلب ءِ را من نزانان

(2/جون منامہ بحریریں 2001)



دل ۽ را سستگين ياتاني عڪس امبازاں
گنوکين زندگي زلفاني وشبو شوپازاں

روح شهميت مچاچاني ٿال حشڪ ٿراں
شپاني اگهي نوداني لهمين آوازاں

من گنداں فاضل ۽ تن ۽ ماں حافظ ۽ لنٿاں
گشيگاں مند ۽ زمين بستگاں گون شيرازاں

انگت تازگ انت چمپلاني کوهننن ٿپ
انگت مرگو ۽ کونڊان واب مهنازاں

نہ شنزیت ہور نہ بارت کوچگانی ڈکالاں
سلام انت جمبراں گوں آزمان ء نارازاں

شپانکے آں! تو کجا گوں من ہمبراه داری کنے
دل ء وراک منی کوہ ء شیرو پیازاں

اے کوہ بنان کتہ ہیل معراج نیم وابی
زمانگ کر کتگ چمگانی آوازاں

(2013 مندیچ)



زندگی باریں کجام جگہہ ء ہلک ء روے
شہر ء آپ دانے برے یا گیا بانے برے
ہنچیں جاہے ء بہ بر یات مہ ایت انت دلبر ء

دل و پنڈوک نہ انت آ منزلانی نیمگ ء
منزل ء چم ء قباہ سک انت عہدانی در ء
ترانگ ء ماڑی انت شرپرشتگاں ڈمبانی بگاں
سندوسیل گوں ترانگاں جند ء تو وتا کنے
ہنچیں جاہے ء بہ بر یات مہ ایت انت دلبر ء

ماہے ء روشنا ترانت کبگے ء وشگام تر انت
شیرا چو آتا جگ انت چہ گلاب نازک تر انت
کوچگ ء سارتکیں گوات ء آ گشیگاں سارت انت
تالہہ ء مکت ء وتیگ ء نشگ وت شگان جنے
ہنچیں جاہے ء بہ بر یات مہ ایت انت دلبرے

شلسریں کارچاں گشے رنگ درآرتہ میتگ ء
 جلگہس ٹوپانی گوانکاں شلینتہ میتگ ء
 ما گم ء تنگویں مہرانی شوہاز ء اتکیں
 پدا وائر کتگ رنگ کروتکہ میتگ ء
 کافرین دہر کجام دیم ء تو سلام ء دے
 ہنچیں جاہے ء بہ بریات مہ ایت انت دلبر ء

گوں کئے فریات کناں کئے نوں بکنت ”رحم ء کرم“
 دور کیت الم ء پیشانیانی کرچکیں گم
 پل آرات بیان جنت منی راستیں چم
 گوٹڈی ء لیب جاہاں کاگداں سوچان کئے
 ہنچیں جاہے ء بہ بریات مہ ایت انت دلبر ء

زند ء آجوی ء روچاناں مہ سند معراج ء
 گرداں من میتگ ء بازاراں کسی پرواہ نیست
 او محبت تئی درد ء دوا ہچ جاہ نیست
 کاروانے ء تو تہائے ترا ہمراہ نیست
 دگہ درملکے ء معراج ء منی سرا دوردیے

انان

زہیر ء زمیریں ترانگ وتی انان ء بدار
 منا بسوچ ء زمانگ وتی انان ء بدار

نوداں بنداں اے سرگوپ گوں کوشاں سینگاراں
 صباح ء سیر ء بشانگ وتی انان ء بدار

کوہی گرک بزاناں تئی راڈ راڈ کناں
 تپنگے زور گوں شوانگ وتی انان ء بدار

کننت لیلا ء اوبادگ باز ادا سنگسار
 چو مجنو ء بے دیوانگ وتی انان ء بدار

من ترمپ ء ترمپ ء وڑارک سر براحتشک باں
 تلاہیں ارسانی دانگ وتی انان ء بدار

درد ۽ جنگل ۽ ۽ هر کس گوزیت ۽ بیگواہ بیت
چداں گوزے تو دیوانگ وتی انان ۽ بدار

منی یک شعرے چواستال ۽ رنگ ۽ پاسپان کن
زہیراں کس نہ بیت پانگ وتی انان ۽ بدار

ترا پہ واہگ ۽ امیت کت مُج ۽ باہوٹ
زمین ۽ گرنجیں ہزانگ وتی انان ۽ بدار

دل ۽ را دیرانت منی کراتی امانت انت
نہ بیت زور زمانگ وتی انان ۽ بدار

برے برے من نزانان من چوینیں شعرگشاں
یات کیت دل ۽ دانگ وتی انان ۽ بدار

حیال خیال انت معراج اگاں تئی باطن ساپ
کہ بوتگ گنڈ زمانگ وتی انان ۽ بدار



ارساں دیدگ ء رپچے دلاں بہار کن نئے
 حرابیں موسم ء واستہ تو شریں کار کن نئے

تو پروشے دلہریں چوڑیگاں گوانگ فرماے
 شہیدیں آشک ء ماں قبری ء توار کن نئے

چداں چے لڑتے روئے، یک نشانی یے ایر کن
 تو، یات کائے دل ء سک بے کرار کن نئے

من گشتہ وابانی آ دوچگراں پرندوشی
 منی دوست سور ء سیریگا کدیں تیار کن نئے

اے ماہ ء کلکش ء زیبائی اتکگاں پہ تو
 اشاں چے باریں کئے ء زورے دزگہار کن نئے

اے ہیل روت، بلتے عادت چم پچیں شہر ء
 تو کوریں میتگ ء آدینک ء مرؤداوار کن نئے

زمین ء کپتگیں بیراں دل ء را انگارات
 پہ ہلک ء بندیاں! قمبر و تا سگار کن نئے

تئی حیاں ء دگہ زانت کار نگواہیت ادا
 تو دوستاں یکے کنے، دژمنناں ہزار کن نئے

بہ شنگیں مہپراں ء بتاں بکش شہر ء
 ماہکانی ء چونی ء شپ تہار کن نئے

آ کہریں مرگ ء را یک رندے آنگی انت ادا
 زندگیناں چیا مردگاں شمار کن نئے

تو معراج کدہ کیفانی براہ ء جلوہ نئے
 تو پاد کائے روئے مولماں ملار کن نئے

(جنوری 2013 کچ)

نازینکے

بچکند دلبرؔ لنگانِ انت

لاڈے لئے لڈے لئے لاڈے دلبر نشنگ ء حیرانِ انت
بچکند دلبر ء لنگانِ انت دلبر نشنگ ء حیرانِ انت

وداں کئے سپا کنت کاری، کوشاں مہپراں سینگاری
پلاں بال کنت انت، وشبو نورانی تچنتیں شہجو
بخت تالہ ء دگرانِ انت دلبر نشنگ ء حیرانِ انت
کہیرانی بن ء دگوش انت تاہیت بستگ انت سبز پوشیں
کئے ء دم جنگ ترینزینگ، نوک آپ مہپراں پٹینگ
بنداں زیارتی سندانِ انت دلبر نشنگ ء دگرانِ انت

دیم ء نند دے قبل برواں، گوہر شپ زریں دردانگ
بے تنیگ ء نہ بیت دل زندگ، بیت انت ساہگ ء وازمندگ
پروشگ دوری ء سک گرانِ انت دلبر نشنگ ء حیرانِ انت

تُن ۽ ساڳ ۽ گِشان انت داز ۽ ڪولڙ ۽ پِشان انت
 ڪبگي بے ڪساس تنيگ اَت اَتڪ ۽ سر نبوت ڪانگ ۽
 نوڪ آپ تبدئي ۽ ارجان انت دلبر نشنگ ۽ حيران انت

ڪشاں من دل ۽ پاڻ ۽ لگ اَت تير ڪمانے مارا
 ڪهر يئي ڪپت پها بازار ۽ ٻچ رنگ دل نہ بئي تو مارا
 بازار ستلگ ۽ ويران انت دلبر نشنگ ۽ حيران انت

شوديت ساڳ ۽ پولينگاں، ريچان انت دل ۽ آ زنگاں
 ساعت بے ڪساس شرنگاں، ڪسہ بے ڪساس بدرنگاں
 دانڪاني ڪنگ ارزان انت دلبر نشنگ ۽ حيران انت

يڪي زندمان ۽ ڪشنگ زوراک، بازيني گشيت باپشت ۽
 يل دانتت هما ڪوهستان رد ڪپت ۽ شتاں شهرستان
 بازار انت ادا دُڪان انت دلبر نشنگ ۽ حيران انت

پلکاں موسم ۽ گوائی شُت رنگ ۽ وشبوہاں چے مین بے
 کائے یک دمانے جلے کچ ۽ دلبریں آمین بے
 بیگم جنگی یے پشان انت دلبر نشنگ ۽ حیران انت

معراج زندگی کد کٹیت، معراج گم سرائی چٹیت
 ساہگ سستگ ۽ تاراج انت بندیک سوچن ۽ محتاج انت
 پلکان نمسی ۽ شنزان انت دلبر نشنگ ۽ حیران انت

(2006 کراچی)

عطا شاد ء نام ء

کچ کور

شکل ء شہد ء شیر بیت کچ کور
 اے دل ء پہ تو زہیر بیت کچ کور
 مولم ء یاتاں من کپاں وہد ء
 بند ء میرانی رُستگ انت ہر
 چہ نہنگے ء زور بیت کچ کور
 کوش قلات کوشاں تی چکن کاریں
 دوچ وتاسانی کاباں ڈولداریں
 پٹہ ء سالونگی ہما کوشاں
 نشنگ انت دوچاں وڑوڑیں نکشاں
 چچو زیبا ء چچو دلکشاں
 نشنگ انت حاک ء کاپر ء چیر ء
 کہ پرشیت دیوان ہمدیں دیر ء

سچین ء ایرکنزراں دل ء سیاد
 وہد ء زانتکار ء سوہیں استاد
 چبہاں دوچاں وہد ء سالونک ء
 آچکن گواپیں پڑماں شنگیناں
 ہار کیت بنداں کور دپی سندی
 کاپر ء کرگیناں لتاریت انت
 شپ دگہ رنگاں آپ کاریت انت
 عہد ء سیلاب ء میتگ انت دردی
 فیضک ء الہانیں شفع گردی
 دلوت ء مالان واہ ء فریات انت
 تنزگ ء پلکانی سرے یات انت
 مہر ء دوستی ء گڈی سوگات انت
 مجلس ء دیوان ء پری زات انت
 مشکتی حلوہ ہلکہ حیرات انت
 گوں ہما ذراج بُریں وتی شعراں
 نوک قلات یارمحمد تی یات انت
 گوں وتی پاگ ء چشمک ء سیاہیں
 گوں کلاکولی چنگکیں لٹ ء

شاعریں عیسیٰ آلسر ءِ براہیں
 پرشنگ افغان ءِ آ گل ءِ ہوٹل
 شاعر ءِ آشوبی مراگاہیں
 گوں رمی ءِ نا کو فیض محمد
 سبزی زہیروکاں گوں گلیں سامی
 زیر ءِ مہر ءِ نلیں دریاہیں
 عارف ءِ شاہ جان نوک ورنہیں
 کہ عطا سنگانی سر ءِ براہیں
 کچ تئی بالاد ءِ ہزار کسہ
 آ چنال انگت چو مزن شاہیں
 پنو ءِ یا تگاریں قلات پرشتہ
 کسہ نیے کوہنیں دپتراں مان انت
 مردک ے بے حال کنت وتی زہم ءِ
 باریں چنت سال ءِ بیت دوہر واتر
 پوشے دنزینیں اندرا نوک انت
 مردکو سیل کنت زہم درنجوک انت

ساہگ ء نندیت تئی صداں مردم
 تئی چنال نامدار وہد ء باہوٹی
 سردوے است ات یک گنو کوہیں
 دورے کت لہڑانی مزن ہار ء
 ٹکڑی ٹرالی برتگ انت ٹوہیں
 سردوے ء اوشناگ اوں نزانٹ جوانی
 کندگاں شلیں بُرات بیری
 بازگشیت است انت انگت گار انت
 سردو انت واجہ خضر ء ہمراہ انت
 اے وڑیں سیلاب چنت بر ء اتکہ
 پہ تئی پلین اے کش ء کراں
 خیرو ء شیرو ء مڑایانی
 کاشیگیں گڈک بستگ اش کرگیں
 جنگل ء لوگ انت آمری یانی
 چیز کے جوسک ء کش ء کراں
 چیز کے حشک آپیں سری کہن ء
 چیز کے نشگ ماں دوکرم ء لمب

ٲٲو ۽ ڪاٲر بستگ اِش ساہگ
 بوٽگ انت باهوٲ ڪه وٽي ڏيهه ۽
 ڪه مني ارواه ۽ مني ساه انت
 مني بلوچي ۽ براه ۽ جلوہ انت
 دلوت ۽ مال اِش ڪرتگ بيوپاري
 ڪوهنن گھڙيال ۽ ٲٲڪ ۽ ريڏو
 ٲٲ ۽ ٲڪ آهن ۽ بها زرتگ
 هو ٽي لھڙاني مزن بار ۽
 چنت مني ماس ۽ چنت گھار برتگ
 چنت مني بچيگ گوانزگاں شاگين
 حق ۽ اڪبال تو سر ۽ زرتگ
 گم ٽي تنگه دروشمين ڪورين
 شے مرید سالونڪ ہائل بانورين
 بند ميراني مرچاں ٲزورين
 گون نہنگي ۽ ڪچ تي سير انت
 شاعري معراج نام ۽ شوہاز ۽

زندگیں ہارے دشت مچاتاں
شدری ء ہار ء کسہ اوں یات انت
گوئڈ بگر گالاناں وتی معراج
مرتگ انت شاہ ء منتگ آ تاج

(2015 حب)



سمین ۽ بچڪند گون شيڪو بان انت، نود تنيگ انت موسماني
تو بانزل پروانگاني سوتڪنت، چراگ ۽ شيشگ تي مهرباني

وهد ۽ پنت ۽ سڪيني داتگ رهنين بولان مدتي بيت
گرڪاں مان روپت درآمديناں شپانڪ مرت انت آبزگلاني

مني تي دوستي چي پتيم بيت انت کتابي کسه تو باز ونيگ
نزانتيڪاريں يک سادگي آں شپانڪي آں من کھسراڻي

اتڪ دو روچ ۽ پھ گندڪي ۽، مھر ۽ ڪارچ ۽ جگر ڪھ تل جت
مسافر ۽ سيل ڪن شودگ ۽ انت ارس ۽ ٽپاں وتي گداني

تو چنچو بے حاجت ۽ نہ ڪرزاں شموشتگ بلڪ ۽ آبراه ۽ جلوه
ترا کيچ ۽ آيين يات نيت انت وتن توبے حال ڪتھ فلاني

ہو! شے مرید پہک ء تو گنوک ء، شعر بندے دے دل ء داغ
 آچا کر ء بوتگ لوگ ء بانک نہ منتگ پہ تو نوں مائیں حانی

وفا ء مہرانی کسہ ء دل سئی انت بازار ء کشک ء دیکے
 من پر تو برباد ء پر تو گاراں ترا سما نیست یار جانی

تو عاشقے ء تو شاعرے ء تو چونیں بختہ ورے ء معراج
 ہمک ٹہلیں کپوت ء یات انت تئی عشق ء کسہ آ جنگلانی

(2000 سیندک تفتان)



مرچاں بے گوانک ء بے توارے تو
ساہگ ء جندے پچہ نیارے تو

باندات پادان بے ہمے دمکال
مرچی گوات ء سرا سوارے تو

سیل کن امبروز ء رستگ ماہ ء سرا
نشگ ء کوہنیں کسہ کارے تو

بدوفائیں دل ء مجیں استال
روحان پڈر شپاں چو گارے تو

مدتے بیت من سستگاں زند ء
انگت ء نشگ راہ چارے تو

ہو ترا بانگی ء تاج ماں سریں
 کد غریبانی گس ء دارے تو

کڈ کے بندے یخیں شالکوٹ ء
 پرما لاکوٹے برپ کارے تو

راج بے علم انت گژن چنکان انت
 ہلک ء تہنائیں سر ء دارے تو

دڑائیں بازار ء مرچاں بے حالے
 تہنا معراج ء پجاہ کارے تو

(2013 حب)



حیال ۽ یاتانی نیامجین ۽ شارے مانپوشی
مبات دل ے کہ دل ۽ واہگاناں چو پروشی

گشیگاں ماہکان اتلگ زمین انت جلوہ ناک
آ کچ ۽ دلبریں دوچانی جاگ ۽ پوشی

زہیر چو سوچن ۽ پلکاں کپیت ۽ بیگواہ بیت
تئی یاد چو زہگ ۽ وڑا انگت لوٹاں دلگوشی

رک ارسانی ٹپ انت ۽ دیم ملور ۽ گمٹیگ
یک نوکیں کسہ یے آورت، تئی میتگ ۽ دوشی

نزانن! بندیں ماں ڈب ۽ ۽ بال بندوکان
گنوکیں مرغے وتی بانزلان وت پروشی

من پہمتگ اے جتائی نوں مرگ ءِ زندگی انت
 زاناں چونی ءِ دپ کیتگے پرندوشی

آ شاہو کارئیں ءِ زانکاریں شپانکے کوہی
 بزاناں زہیرانی بخاہ ءِ بندیت شیر دوشی

شال ءِ برپانی ہور انت ءِ جمبری واب انت
 شپاری مہپراں معراج کدہاں نوشی

(2013 کوئٹہ)

گنوکاں

اے دل من پہ ترا بستہ گنوکاں
ہما انت من دل ء دیستہ گنوکاں

گنوکانی نشانی نازر کیں پل
ہمیشاں یکے من سستہ گنوکاں

کجا میرانی بند ء را وفا است
گم ء کچھ کور ء دپ بستہ گنوکاں

ہما سالی تو دیم داتگ دراں ڈیہہ
ہما کاگد پدا رستہ گنوکاں

زر ء مطلب ء امبروزی عیشاں
حون ء سیادی یے سستہ گنوکاں

راستیں رک ء چک ء ٹپ بوتگ
شپانی کلکشان گستہ گنوکاں

گوں کوہ ء ریدگیں پشانی ساداں
گم ء ساہگ وتی بستہ گنوکاں

مروچاں کپتنگ انت ء سک نزوراں
پیشاں طاقت ء استہ گنوکاں

گلابی پلاں وشبوئے بدل کت
جور ء پل کتہ دستہ گنوکاں

لوہیگ لہڑ کاریت سوچیت لنٹاں
یلا دتیت کینگ ء کستہ گنوکاں

تسلا یے دتیاں من جمبری ء
ڈکال بیتگ ء سستہ گنوکاں

بازیں ملکموت ء مرگ ء بے حال
چتوریں وشی یے رستہ گنوکاں

علم ۽ زانش ۽ دنيا سرينتگ
 قلم ۽ کاگد ۽ بستہ گنوکاں

بہشتی طيپلے بہتاور کے
 لنٹ گٹ پاتنگ ۽ گستہ گنوکاں

گباریں گلزمین جلوہ دنيان انت
 مروچی سر، گم ۽ رستہ گنوکاں

ہلک ۽ شاعرانی نيست کمی
 ہما شعر مومن ۽ بستہ گنوکاں

(مئی 2015ء حب)

مطلبِ دنیا انت

اے مطلبِ دنیا انت ہر چیز ادا پیسہ انت
عشق مکن وتا سنبھال اے دنیا انت

ناں اے دلی دوستاں تئی نانا سنگت ۽ گموراں
دیم ۽ کناں جی ۽ جان پشتہ ترا ڈوباراں

گوات ۽ کہ چکیت پیسہ نوداں کروجیت پیسہ
دنیا ۽ رنگے بکشیت تباراں کروجیت پیسہ

مہر ۽ ابدمانی ۽ گپ ماں کسہاں اشک ۽ انت
شرین فرہاد ۽ زیارت ماں جھاؤ ۽ کشک ۽ انت

ناخن ۽ گوشت ۽ جدا کنت حراہیں چیزے
دل پہ دلے ۽ بندیں چو بستگیں تعویزے

چے گندگ ۽ چے شرین دنیا تلاء ۽ زریں
گلہ مکن ناکوزہتک براتے گوں برات ۽ زہریں

بیا کوه مراد ء حانی او سیبی ء ہلکانی
شے مرید چوگان انت مان چاکری مکرانی

عہد ء وتی کلماٹیں آ منزلاں نڑارے
مہرؔ وفا بے حال ء اشک ء منی وام دارے

کوٹ ء قلات ء بانک نئے شیشگ ء سنگ ء پھریز
دہر ء زبانی کشتہ کارچ ء وڑا بوتگ تیز

عہد ء تو کوریں حاکم نئے راستی ء دانک ء نوں بمن
قیس ء را بند ء قیز بکن لیلے ء آزات بکن

معراج راستیں کسہ، معراج تباہ کنت پیسہ
ملک اوں وتی یل داتگ من کپتگاں پردیسہ

(جون حب 2013)

پیریں مرد کوشہرء

و شبوہاں پلانی لتاران انت
 کاگدیں یاتاں مانداران انت
 دژچک ء نازینتاں وتی ڈیہہ ء
 فرض ات پیلہ بوت بن ء بہہ ء
 شاعریں مہرے پہ حاک ء دیوانگ
 پہ بزرگلاں دشت ء کوہانی شوانگ
 زیمیر ء زیلاں بستگ انت ترانگ
 وبتگاں پگرانی ہما دانگ
 دلبریں ہلک ء گم نباں وانگ
 دوری ء دلبریں ہما ترانگ
 شہم جنت روچے واہگ ء بام ے
 شہکونیں گوات ء کیت پیغام ے
 زندگیں شہر ء مرتگیں بہر ء
 چند گبر منتگ تانسریں شہر ء

روج دل بکشیت کچلیں زہر ء
 گردیت بازاراں دنت گم ء بہر ء
 شپ دپونکہ انت پہ مادری مہر ء
 ساہگ ء عہد ء پیچہ نیاران انت
 کاگدیں یاتاں مانداران انت
 زاہران بوئیں گلزمین ء رنگ
 کس تئی بالاد ء نہ جنت انت رنگ
 کئے ادا شرنک، کئے ادا بدرنگ
 جنت شگاناں آ بے بنئیں عہد ء
 کہ چشینت دہر ء کوہ بنانی بنگ
 پہ منا رژن ء روج پیداہاں
 بندیں زندان ء درد ء قیداہاں
 خاک ء وشبو ء دائم ہمراہاں
 وہد آجو بیت کلوه کاہاں
 ارزنی دانے کت بہا بچاں
 رُستگاں قد ء کالب ء کچاں
 گوات گر ء ساہگ یا نہنگ ء کچ

فاضل ء شات ء کسہ ء را تیج
 آسید رنگ ء ترانگ ء پرتیج
 جاگوں درتگ چاک ء چاکیں جیگ
 چاکر ء رنگ ء بوتگاں تنیگ
 شے مرید بوتگ پہ ون ندریگ
 آنکے تاس آپ ہاران انت
 کاگدیں یاتاں مانداران انت
 رست دل ء امیت ء زبان راحت
 داشتگوں باسکاں کمکے طاقت
 ستلگیں ہلک ء اشکر داگی انت
 تنگہیں لالے کوہاں باغی انت
 راستی ء بیرک برز ء یاگی انت
 نہ ساہگے گنداں ناگلیں واب جاہ
 نہ بزم بالشت ء پہمگیں سرجاہ
 نشنگ انت ابلیس ہلک ء سودائی
 وسریں میر ء بے بنیں کہدہ
 ہار نہ کنت مرچاں سروگیں بولاں

ترانگ ۽ تودانی بن ۽ روپیت
 دنزاں انگوری کئے بچنڈیت انت
 پستہ ۽ بادام کرمزاں وارتاں
 رتگلیں برپانی بدن سارتاں
 حشکیں شیلانچاں شتہ ترپشی
 شال سگاراناں حاک ۽ قبر ۽ کت
 بہریے کت ہلک ۽ میتگاں وشی
 گیش مکن معراج درداں دلکشی
 مُرت ہما پیریں مردکو شہر ۽
 عہد ۽ بیگانگ کسہ آران انت
 کاگدیں یاتاں مانداران انت

(2015 کچ)

جنتکِ ادءِ نہ انت

آ جنتکِ ادءِ نہ انت، آ جنتکِ درآمدے
 آ چوئیں ساپ دے چوئیں نا سرپدے
 دوری ءِ لنتاناں پن ءِ مزواک ءِ بجن
 عشق ءِ درملک ءِ روئے پہ ہلک ءِ زہیروک ءِ بجن
 ارساناں پہک بکن، زور یک ساپیں گدے
 آ چوئیں ساپ دے چوئیں نا سرپدے
 کوکر ءِ استین انت، آ بہارانی برے
 چمگانی ششتگیں شنگ ءِ شانگیں مہپرے
 ماں گلابی پلاں بالوانی یک پدے
 آ چوئیں ساپ دے چوئیں نا سرپدے
 سیبی ءِ مکران ءِ چے قصر قند ءِ سندھ
 عشق ءِ تئی ابدالان بیا دل ءِ حال ءِ بگند
 دیم بدے کوش ءِ گوں مہلبانی کاگدے
 آ چوئیں ساپ دے چوئیں نا سرپدے

حور ۽ گلیمان ۽ پریاں رب نہ کنت چو شرنگ
 آ کلیمیں لنکاں لچتہ ناخنی رنگ
 رنگ ۽ اسپیت چو آ بہشتی کیگدے
 آ چونیں ساپ دلے چونیں نا سرپدے
 بے شپانکیں ہلکہ بیت واہند کدی
 چو گشے میر ۽ شنک جستگ بنجاہ ۽ وتی
 کوہ بناں ایر کتگ تولگانی یک پدے
 آ چونیں ساپ دلے چونیں نا سرپدے
 وہد ۽ گلہ ۽ زنگاں آ جنان ۽ کیت انت
 عشق ۽ دستاں ہلکے چو سچان ۽ کیت انت
 ننگریں آس ۽ سرا پر نہ دانت کس گدے
 آ چونیں ساپ دلے چونیں نا سرپدے
 کسہ آل عشق بیگاں بل مروچاں معراج
 شاہی شاہان انت تئی دل مروچاں
 ما نزانکار بوتگیں وارنہ ما زندگیں ردے



سنگاں پہریز کن نکرزاں لیٹ گراںاں یکبر ء
شیشگ ء لوگے تو بستگ ترانگانی کوہ سرا

اے زمین پہ من ء پہ تونوں مروچاں تنگ انت
گڈ کے بندیں بریں من تو ہما ماہ ء سرا

چم پچیں شخصے نہ انت عشق ء ہڑ ء را ساپ کنت
کئے بکنت فریات بلوٹیت حیر چہ ”کوریں حیدر“ ء

آ بدیں چماں چدو پیسر ہزار دل کپ کتہ
کئے گشیت کل ء درا تو پاد شپاد ء سردر ء

شہد بچکندگ ء بہر بوت انت رزانانی تہا
پینگانی آ مسک بالاں پدا چات ء سرا

دودا ء پشتہ نقیبو تئی ہزار کار شر بوت
ذی دگا داتگ چے پیم عہد ء آ بالاج ء ترا

ہر کس ء دل وتی بستگ پہ تونیلین گوادر
ہر کس نلوٹیت کہ ببارتیں مستیں چولانی سرا

امبرجنزیت منزله نوکیں نشانے ایر کنت
شنگیں ملگور موسم ء پہک ء نون اسپت انت سرء

زامو ء کوہاں روئے بے حال مبو ندریگاں
عومر ء ماہو ء ادیرہ انت آ ڈن ء سرا

کدئیں ہورے کہ کاریت بہارگاہ ء ملار
منے دل ء میتگ ء بستگ تی خمار ء جمبر ء

دزگہاراں نشنگ گوں دم پہ ساعت ارے ریتک
دوری ء تنیک ء کہ معراج! لال چہ درستاں گترء

(2007 کچ)



دل ترانگانی شہر ء دگہ چنت سال جنت
بے حال وتارا کنت بلتے دوست ترا نہ کنت

مشک ء تکانسر انت دل ء کانگانی آپ
اے شہر ء زندگی انت ادا درست گار بنت

موسم مروچاں چرس ء تریاک بہا کنت
دگہ چنت ہزار ہلک ء دلبر زوال کنت

مچانی پیش ء حشکیں تاکاناں سبز کنت
بانداں کچ کور ء ہارے شپار دنت

دوستی ء دگابازی بہ بیت دیراں رۓ نہ کنت
یک دوستے ء کہ دیم ء دل ء دشمنے بجننت

بیٹگ یک گینے سارتیں کشیت وشبونیں
تئی کشتگیں چنال ء دریں بُر بُر کپنت

اے دہر ۽ حانیانانی مرید تلوساں باں
اللہ بزانت انت زالمیں چا کر کدیں مرانت

سرسنگیں وفا دل ۽ امر و زندگی انت
مے قبر جتا بنت بلتے ارواح ہوار بنت

نیل انت زہیراں ننگ ۽ شہر ۽ بے حدا
مہریگے ۽ سوار ۽ دگہ دیسے سر گرانت

دانکہ مہ کٹ انت تیر منی جاہ ۽ گم ۽
معراج حیاں ۽ رافل انت جزماں خطانہ کنت

(حب 2013)



تئی باتن ۽ زہیر منی چماں زاہراں
من تو دو روچ ۽ اتلگیں ہر دک مسافراں

کج ۽ ملوریں چاڑاں دل ۽ زند بیت نصیب
وہدے کہ ٹھہلیں بچکند لٹھاں چے سرگراں

شاعر آ شے مرید آنت، بکشت حانیاں
عشق ۽ نہ پہمنت شعرگشاں چونیں شاعراں

تہنائیں دست ۽ چا پاں زیمیل کجا شلیت
تو یکبرے بمر من پہ تو صد براں مراں

مہرانی کربلائیں ڈن ۽ من تنی آں
منا چنکے آپ داتگ منی ہلک ۽ کاپراں

بلکیں مریداں حانی ۽ پہ زند نصیب بیت
چا کر ماں ستگرڈاہاں کدی باریں سرگراں

پلیں زمین ۽ درداں مارات وتی بکنت
چمانی توک ۽ جاہ انت اے ڈولیں شاعراں

اداہر کس نفسا نفسی انت گوں کرش ۽ کاگداں
اے میتگ وش نہ انت دگہ مییتگے براں

دوشی دوبر کہ گوانک جتہ ڈیہہ ۽ بزگیں
کے انت کُشیت ہلک ۽ گرکاناں امبراں

یک کسہ من ونتگ عہد ۽ کتابے ۽
پہ گزرنے ۽ ہاں زندگ پہ زاہے ۽ مراں

ما چو کریم دشتی ۽ پلکانی شیدائیں
ما چو عطا شاد ۽ سنگانی سر براں

معراج توامیں شہر تو دیوانہ جوڑکتہ
وتی شاعری ۽ شنگیں عہدانی زیراں

(اپریل 2006 کوٹہ)

ہلک ۽ شتہ

شادہانی ارس ۽ بارے ایرکتہ ہلک ۽ شتہ

بے بہائیں یا تگارے ایرکتہ ہلک ۽ شتہ

بے انانی آ دل ۽ نازانتی ۽ پلاں بچنت

پہ وتا یک دزگہارے ایرکتہ ہلک ۽ شتہ

رُستگ ۽ سرساہگ ۽ انت چو چنال ۽ سارتیں بو

کور ۽ لمب ۽ حشکیں دارے ایرکتہ ہلک ۽ شتہ

باز وتی ہنکین ۽ یل دنت واری ۽ پہ بڑگی

مردگاں پہ زندہ کارے ایرکتہ ہلک ۽ شتہ

روچے یک پلین شنکے چہ بزاں بیگواہ بیت

یک شپانک ۽ سرمچارے ایرکتہ ہلک ۽ شتہ

کئے شپانک ۽ گوانک جنت انت بزاں پھریز بکنت

کوہ سراں یک گرک مارے ایرکتہ ہلک ۽ شتہ

کس گم ء پادانی سربر دائم ء اوشات نہ کنت
 عہد ء نابود ء پہ کاریے ایرکتہ ہلک ء شتہ

ترانگ ء زہیرانی شہر ء سیاہ تہاریں سینگ ء
 درد ء تورشتیں گدارے ایرکتہ ہلک ء شتہ

ہنچو تہناہاں گشے چو ساہگ ء لاپ ء تہا
 ایوکی ء بڑ ء بارے ایرکتہ ہلک ء شتہ

پہ وتی آجویں باندات ء صباہ ء شہکوہاں
 قول ء اکرار ء کرارے ایرکتہ ہلک ء شتہ

شہمگ ء ات مہر ء آکوٹاں چو مثل گوہر ء
 درپشناکیں شپ تہاریے ایرکتہ ہلک ء شتہ

جمبری ء گوراتگ پہ ٹہل ے معراج سہتکے
 کچہراں یک ملگزارے ایرکتہ ہلک ء شتہ

(1999 سیندک تفتان)



جند ۽ دیار ۽ رستگ ۽ بیگواہ نبوتگاں
یات ۽ زہیراں تُرس اتگ ہمراہ نبوتگاں

گم ۽ رہسہر ۽ میاگوں کورچاتے ۽ کپ ۽
آچاریں دانک راستیں دل ۽ زاہ نبوتگاں

ارسانی ٹوپ ۽ بمباں جکسینتگ بیتگ ۽
حونانی سرزمین ۽ سبزکاه نبوتگاں

بی برگ ۽ بادشاہے ۽ بورینت کت نہ کنت
گراناز ماں گرانیں وایاں اگاہ نبوتگاں

بیگاہاں اتگ انت پداسہباں ہمش اتگاں
شیپانی ہار ۽ ہرگ ۽ دریا نبوتگاں

کپتاں دوبرمن کچ ۽ آمین ۽ ترانگ ۽
شال ۽ رزان ۽ توک ۽ پیژناہ نبوتگاں

آجوتيس واهگاني مني بوپ ء پلنگ انت
سارتيس سكاني گندل ء سرجاه نبوتگاں

وائے ٲه ترانگاني مني گران واپي ء
بازار سوتک ڈنگاں! آگاه نبوتگاں

معراج جلوہ ناک انت امبروز فرشته نيس
ٲو دلبر ء وڑ ء مني زيبا نبوتگاں

(2014 حب بلوچستان)

زندگ انت

لبزانی گوہر ہنچیں زبانی ء زندگ انت
 پہ ٹہلے ء آ مرتگ ء شانے ء زندگ انت

اللہ بزانت دہر ء آئی ء گڈی تہماہ جی انت
 بے روحیں یک حیلے دمانی ء زندگ انت

یک شالے نژ اتنگ یخیں موسم ء تہا
 یک گوادرے ماں آپ ء گدانے ء زندگ انت

ڈک وارته در نگیبھی ماہ پیکریں گل ء
 اللہ دل ء را بل کہ دمانے ء زندگ انت

ہرکس ادا شمار انت، قیامتیں ساہگاں
 سر پر نہ بیت چونیں جہانے ء زندگ انت

عہد ۽ نشان سلامت انت ڈمبانی اندر ۽
 کوہانی توک ۽ پرشتگیں بانے ۽ زندگ انت

سرگوستگ زندگی ۽ زندیے عزیز نہ انت
 پہ دلبرے ۽ قول ۽ زبانے ۽ زندگ انت

شہر ۽ گبار نزان انت مہرانی قیمت ۽
 کلماٹس دل پہ ہلک ۽ گدانے ۽ زندگ انت

بیگاہ پہ بیگاہ ترانگ ۽ باگیچہ ۽ تہا
 معراج پل ۽ وشبو گشانے ۽ زندگ انت

(2002 مارچ کوئٹہ)



تو دل ۽ بندات ۽ واہگ، تو دل ۽ گڈی تہماہ
زندگاں کہریں جہان ۽ ایوک ۽ گوں تئی غم ۽

دوستی ۽ مہرانی گورم ۽ چے ستا انت دل بزانہ
قبل برواں ہجگ بالاد پاک آپ ۽ زم زم ۽

سہب ۽ وش دابیں سمین ۽ وشبو ۽ احوال اتک
یاسمین ۽ لہتکیں پل لال ۽ زلفانی شہم ۽

روچے چنت ساہ دار بیگواہ، گرکاں شہری چاڑ کتہ
گندگ ۽ یک دانگے دل کنت درہ نیں ہلک ۽ غم ۽

واہگانی، حقاناں زوریت چنت دل ۽ بربادی انت
یک گنہ گاریں حیا لے عیباں شودیت زم زم ۽

بالے بستاں پہ دگاہ ۽، لیب ۽ کت ۽ دورشت
کبگے گوں ات بے وفائیں سی سوئی ذرا جیں رم ۽

روچے ۽ گوات ۽ سوارے روچے ۽ حا کاں کپ ۽
پیش ۽ ٹال ۽ کپیت انت روچ یے کیت انت مردم ۽

ارسی ترپے تی زین ۽ کہ کپیت آچش ردیت
ریشمی بندیکے زور ۽ مہرگیں ارساں کم ۽

نزکیں لنطانی جنزگ کسہ ۽ کچی کنگ
کریں امبروز گونگیں فریات اش نہ کننتیں دائم ۽

ییتگ ۽ ڈکال مرتگ جمبری ۽ ہور کرتہ
دل گشیت لوگ ۽ درا ۽ دور بروائے موسم ۽

زندگی معراج حسن ۽ عشق ۽ لبراں پُر کتہ
ہر کسی پیشانی ونت ۽ شعر لک ات من ہما

(2015 حب)